



## **СЛУЖБА**

**преподобному и богоносному отцу  
нашему Феодору Санаксарскому**

## **СЛУЖБА**

**преподобному Александру  
исповеднику Санаксарскому**

## **СЛУЖБА**

**святому праведному боярину  
Феодору Ушакову,  
Адмиралу флота Российскаго,  
Непобедимому**

# **СЛУЖБА**

**преподобному и богоносному отцу  
нашему Феодору Санаксарскому**

## На Мáлой вечéрни.

### На Гóсподи воззвáх: стихиры, глáс 1.

#### Подóбен: Небéсных чинóв:

**И**збрáнниче Христóв Феóдоре, ✨ в час трéтий жízни твоея ✨ с духóвно прáздного тóржища мíра сегó, ✨ рáбóтати Гóсподеви в виногрáднике сем призвáнный, ✨ испроси́ нам вы́шния мíлости ✨ сопричísлитися рáбóтником часá единанадеся́таго.

**У**блажа́ем долготерпéние твоé, многострада́льне óтче Феóдоре, ✨ я́ко испóлнися на тебе́ Христóво обетова́ние: ✨ и́мене Моегó рáди бу́дете ненави́дими, ✨ на мучéние предава́еми брáтией, о́тцами и ча́дами, ✨ но дерза́йте, О́тцем Мо́им Небéсным возлúбленныя, ✨ я́ко претерпéвыя до концá спасéни бу́дете.

**П**реподóбне óтче наш и стáрче Феóдоре, ✨ нíву Христóву здé дóбре возделывавый, ✨ моли́ся со свyтýми апóстолы ко Гóсподу, ✨ я́ко да изведёт дéлатели на жáтву Свою́. ✨ Вíдите бо, я́ко бyху наро́ди смятéни и отвéржени, ✨ я́ко стада́ óвчия, не имúция пáстыри.

#### Слáва , глáс и подóбен тóйже:

**О** блажéнне óтче Феóдоре, ✨ Лозы́ и́стинныя розгó Санаксáрская, ✨ во Христé многоплóдная, ✨ О́тцем Небéсным возделанная и отреблénная, ✨ Дýхом Свyтýм орошáемая, ✨ обíтель твою́ честнýю плода́ми духóвными богатя́щая.

#### И нýне, Богорóдичен, глáс 6:

**Б**огорóдице, и Ты еси́ лозá и́стинная, / Плод Животá нам возрастíвшая, / Тебе́ мо́лимся, моли́ся Влады́чице ко Гóсподу, // помíловатися душáм нáшим.

### На стихóвне стихиры, глáс 2:

#### Подóбен: Дóме Евфрафов:

**М**íра сегó прелéстнаго, ✨ преходя́щаго и тлéну причáстнаго, ✨ бéгал еси́, ✨ спаса́я дýшу свою́, ✨ богомúдре Феóдоре.

**Стíх: Честна́ прéд Гóсподем / смéръть преподóбных Егó.**

**М**но́гая злострада́ния претерпéв ✨ поругáние и изгнáние, ✨ возвратíлся еси́, Феóдоре, ✨ во обíтель свою́ Санаксáрскую, ✨ идéже еси́ упокóбился.

**Стíх: Блажéн мýж, боя́йся Гóспода, / в за́поведех Егó восхóщét зелó.**

Началом премудрости твоея положил еси, ✨ блаженне Феодоре, ✨  
память смертную, ✨ из неяже рождается ✨ благодатный страх Божий.

**Слава, и ныне, Богородичен, глас тойже.**

Пречистая Дево, радуйся, / непрестанно бо славится / в Са-  
наксарстей обители / преподобнаго аввы Феодора // Рождество Твое  
от неплодных.

**Тропарь, глас 4. (на Преставление)**

Ревностию Крестителю уподобляясь, / от юности Божови угодив, /  
старец благодатный множеству ученик явился еси, / с нимиже ликую-  
ши на Небесех. / Феодоре преподобне отче наш, / моли Христа Бога //  
спастися душам нашим.

**Ин тропарь, глас 4.**

От юности твоея сыновне Христа возлюбил еси, / и токмо Господе-  
ви служити восхотев, / благую часть избрал еси, яже не исхищается  
смертию. / Единому на потребу себе предав и Жизни Подателю, / от  
Него же сподобился еси даров божественнаго учительства и духовна-  
го разсуждения, / окормляя всех прибегающих к тебе и ищущих души  
спасения, // богомудре старче Санаксарский Феодоре.

**Ин тропарь, глас 4.**

От юности пустынное безмолвие возлюбил еси, / и единому Богу  
точию поработати возжелел еси, / мирския славы со всяким смирен-  
номудрием удалился еси, / подвигом добрым подвизаяся / со ученики  
твоими яко звезды во обители Санаксарстей сияя / и вся притекаю-  
щая к тебе верная просвещая. / Сего ради, имуще ты на небесех теп-  
лаго молитвенника, / усердно молим тя, чада твоя, отче Феодоре: /  
молися о нас ко Господу Сил / и Пречистой Богородице // да спасет и  
просветит Собою души наша.

**Тропарь, глас 4. (на Обретение мощей)**

Днесь светло красуется честная обитель твоя, / преподобне отче  
Феодоре, / монаси со мирскими ликовствуют / обретише ты усерднаго  
заступника и теплаго молитвенника за ны, / у Престола Божияго  
предстоящаго / и за обитель и чада своя усердно молящагося. / Сего  
ради и мы прилежно вопием ти: / умоли о нас Всемилостиваго Бога //  
да спасет Богородицею от смерти души наша.

**Слава, и ныне, Богородичен: глас тойже.  
На Велицей вечерни.**

## **Блажён муж: 1-й антифён.**

### **На Господи возвах: стихиры на 8, глас 6.**

#### **Подобен: Все отлбжше:**

Преподобне отче Феодоре,<sup>✠</sup> мужу мудру уподобился ты еси,<sup>✠</sup> иже слышит словеса Божия и творит я,<sup>✠</sup> иже храмину свою на камени созда.<sup>✠</sup> И сниде дождь, и приидоша реки, и ветри возвеша<sup>✠</sup> и напadoша на храмину ту, и не падеся она,<sup>✠</sup> на евангельстем бо камени бе основана.

Избранниче Божий Феодоре,<sup>✠</sup> рече Христос подобным тебе:<sup>✠</sup> аще кто любит Мя,<sup>✠</sup> слово Моё соблюдет,<sup>✠</sup> и Отец Мой возлюбит его;<sup>✠</sup> и приидем к нему,<sup>✠</sup> и обитель у него сотворим.

Рождество Твое, Дево Пречистая,<sup>✠</sup> и иконы Владимирския сретение,<sup>✠</sup> и славное Предтечево усекновение<sup>✠</sup> во обители Санаксарстей вину воспоминаются.<sup>✠</sup> Се бо Духу Святому тако изволися<sup>✠</sup> и преподобному строителю Феодору возжадалося<sup>✠</sup> во славу и память вашу трие храмы воздвигнути.

Санаксарский отче Феодоре,<sup>✠</sup> обитель твоя святая тобою хвалится,<sup>✠</sup> мощами твоими светло красуется,<sup>✠</sup> именем твоим славится,<sup>✠</sup> словом твоим наставляется,<sup>✠</sup> писаниями твоими от соблазн ограждается,<sup>✠</sup> молитвами твоими из небытия возрождается.

#### **Слава, самогласен, глас 8:**

Духоносне старче Феодоре,/ назидавый ученики твоя из Евангелия,/ словами Господа нашего, рекшаго:/ подобает вам свыше родитися,/ яко аще кто не родится от Духа,/ не может видети Царствие Божие./ Дух же дышет, идеже хощет,/ не веси како приходит, и камо идет,/ се бо Дух Святой действует сокровенно./ Темже молися за ны, от Духа рожденне,// да и мы во Царствие Божие внидем.

#### **И ныне, Богородичен: Царь Небесный:**

#### **Вход. Прокимен дне. И чтения три:**

#### **Премудрости Соломоновы чтение (глава 3):**

**П**раведных души в руке Божией, и не прикоснется их мука. Непщевани быша во очесех безумных умерети, и вменися озлобление исход их. И еже от нас шествие сокрушение, они же суть в мире. Ибо пред лицом человеческим аще и муку приимут, упование их безсмертия исполнено. И в мале наказани бывше, великими блгодетельствовани будут, яко Бог искусил я. И во время посещения их возияют и, яко искры по стebлю, потекут. Судят языком и обладают людьми, и воцарится Господь в них во веки. Надeющися Нань разумeют истину и вернии в любви пребудут Ему, яко благодать и милость в преподобных Его и посещение во избранных Его.

### **Премудрости Соломоновы чтение (глава 4):**

**П**раведник аще постигнет скончатися, в покое будет. Старость бо честна не многолетна, ниже в числе лет исчитается. Седина же есть мудрость человеком, и возраст старости — житие нескверно. Благоугоден Богу быв, возлюблен бысть и живый посреде грешник преставлен бысть. Восхищен бысть, да не злоба изменит разума его или лость прельстит душу его. Рачение бо злобы помрачает добрая, и парение похоти переменяет ум незлобив. Скончався в мале, исполни лета долга, угодна бо бе Господеви душа его, сего ради потщася от среды лукавствия. Люди же видевше и не разумевше, ниже положше в помышлении таково, яко благодать и милость в преподобных Его и посещение во избранных Его.

### **Премудрости Соломоновы чтение (глава 5 и 6):**

**П**раведницы во веки живут, и в Господе мзда их, и попечение их у Вышняго. Сего ради примут Царствие благолепия и венец доброты от руки Господни, зане десницею покрывает я и мышцею защитит их. Приимет всеоружие рвение свое и вооружит тварь в мечь врагом. Облечется в броня правды и возложит шлем суд нелицемерен. Приимет щит непобедимый преподобие, поострит же напрасный гнев во оружие, споборет же с ним мир на безумных. Пойдут праволучныя стрелы молниины и, яко от благокругла лука облаков, на намерение полетят. И от каменометныя ярости исполнь падут грады, вознегодует на них вода морская, реки же потопят я нагло. Спротив станет им дух силы и, яко вихор, развееет их, и опустошит всю землю беззаконие, и злодейство превратит престолы сильных. Слышите убо, царие, и разумейте, навикните, судий концев земли, внушите, держащие множества и гордящиеся о народах язык, яко дана есть от Господа держава вам и сила от Вышняго.

### **На Литий стихира святяго, глас 1:**

**Ч**то ты наречем, старче Феодоре?/ Отца преподобнаго, исповедника или ангела?/ Отца, зане яко возрастил еси множество преподобных ученик./ Исповедника, яко мужественне претерпел еси гонения и клеветы./ Ангела же, яко хранителя обители Санаксарския в тебе имамы./ Темже зовем ти:// спасай нас, блаженне, твоими молитвами.

### **Глас 2:**

**О**тче Богомудре Феодоре,/ ты светильник явился еси,/ просвещая Российскую землю чудесными сиянии,/ и душетленных недуг тьму отгоняя,/ и благочестно празднующим память твою/ подай свыше спасительное избавление от бед и скорбей.// И ныне молися даровати душам нашим мир и велию милость.

## Сла́ва, гла́с 8:

**В**збра́нным воево́дою чернорі́зцам полка́ Санакса́рскаго/ и па́стырем богому́дрым бели́цам Алексее́вским/ яви́лся еси́, блаже́нне ста́рче Феодо́ре,/ смире́нием хри́стоподража́тельным,/ моли́твами непреста́нными,/ бде́нием, трезве́нием и поще́нием/ мірен дү́х стяжа́вающим,/ благода́тию Дү́ха Свята́го, на тебе́ почи́вающей, // ты́сящи спаса́ющий.

## И ны́не, Богоро́дичен, гла́с то́йже:

**Б**огоро́дице, ве́рным спасе́ние/ и все́м, к предста́тельству Твоему́ моли́твенно прибега́ющим,/ все́м, Пречи́стою Тя́ имену́ющим,/ Рожде́ство́ Твое́ сла́влящим,/ спасе́ния душі́ взыску́ющим,/ јако́ под Покро́в Твой святы́й,/ в хра́мы,/ Имени Твоему́ посвяще́нныя, // неле́нотно притека́ющим.

## На стихо́вне стихи́ры, гла́с 2:

### Подобен: Егда́ от дре́ва:

**Г**оспо́дь утвержде́ние мое́, ✠ и прибе́жище мое́, и Изба́витель мо́й, ✠ Бо́г мо́й, помо́щник мо́й, и упова́ю на Него́, ✠ Защи́титель мо́й, и ро́г спасе́ния моего́ ✠ — тако́ со псалмопе́вцем ты́ взыва́л еси́, ✠ міра и миролю́бцев бе́гая, преподо́бне о́тче наш Феодо́ре, ✠ и тако́ спса́лся еси́.

### **Сти́х: Честна́ прѣд Го́сподем/ сме́рть преподо́бных Егб́.**

**В**озлежа́ на сме́ртнем своѣм одре́, ✠ омака́л еси́ его́ слѣз пото́ками, ✠ и тако́ въздыха́л еси́ Го́сподеви, ✠ смиренному́дре ра́бе Егб́ Феодо́ре: ✠ Го́споди, изба́ви ду́шу мою́: ✠ спаси́ мя́ ра́ди Твоея́ ми́лости. ✠ Јако́ несть в сме́рти помина́яй Тебе́: ✠ во а́де же кто Тебе́ испове́стся? ✠ И призре́ Госпо́дь на смире́ние твоѣ, ✠ и учини́ ду́шу твою́ в ра́й, ✠ и осени́ ты́ сла́вою ве́лиею.

### **Сти́х: Блаже́н му́ж, бо́яйся Го́спода,/ в за́поведех Егб́ восхо́щет зело́.**

**П**редзря́ше Го́спода прѣд собо́ю вѣну, ✠ јако́ одесну́ю тебе́ е́сть, да не подви́жишия. ✠ Сего́ ра́ди возвесели́ся се́рдце твоѣ ✠ и возра́довася язы́к тво́й, блаже́нне Феодо́ре, ✠ ещѣ́ же и пло́ть тво́я всели́ся на упова́нии. ✠ Јако́ не оста́ви Госпо́дь ду́ші твоея́ во а́де, ✠ ниже́ да́ст ти́ ви́дети истле́ния.

## **Сла́ва, глас 8:**

**М**она́хов мно́жества/ наста́вника тя почита́ем, о́тче наш Феодо́ре:/ тво́ею бо стезе́ю во́истинну пра́во ходи́ти позна́хом./ Блаже́н еси́, Христу́ рабо́тав,/ и вра́жию обличи́л еси́ си́лу,/ а́нгелов собесе́днице, преподо́бных соприча́стнице и пра́ведных,// с ни́миже моли́ся Го́сподеви ☸ поми́ловатися душáм нашím.

**И ны́не, Богоро́дичен, глас то́йже: Безневéстная де́во:**

### **Тропа́рь, глас 4. (на Преставление)**

**Р**евностию Крестите́лю уподобля́ясь,/ от ю́ности Бо́гови угоди́в,/ ста́рцем благодáтным мно́жеству учени́к яви́лся еси́,/ с ни́ми же лику́еши на Небесéх./ Феодо́ре преподо́бне о́тче наш,/ моли́ Христа́ Бо́га/ / спасти́ся душáм нашím.

### **Ин тропа́рь, глас 4**

**О**т ю́ности тво́ея сыно́вне Христа́ возлюбил еси́,/ и то́кмо Го́сподеви служи́ти восхотéв,/ благу́ю ча́сть избрале́си, я́же не исхища́ется сме́ртию./ Еди́ному на потре́бу себе́ преда́в и Жи́зни Подáтелю,/ от Него́ же сподóбился еси́ дарóв божéственного учите́льства и духо́внаго рассу́ждения,/ окормля́я всех прибега́ющих к тебе́ и и́щущих души́ спасéния,// богому́дре ста́рче Санаксáрский Феодо́ре.

### **Ин тропа́рь, глас 4.**

**О**т ю́ности пусты́нное безмо́лвие возлюбил еси́,/ и еди́ному Бо́гу то́чию порабо́тати возжелéл еси́,/ мирски́я сла́вы со вся́ким смиренному́дрием удали́лся еси́,/ по́двигом до́брым подвиза́ясь/ со ученики́ тво́ими я́ко звéзды во оби́тели Санаксáрстей сия́я/ и вся притека́ющая к тебе́ ве́рныя просвеща́я./ Сего́ ра́ди, иму́ще тя на небесéх те́плаго моли́твенника,/ усéрдно мо́лим тя, ча́да тво́я, о́тче Феодо́ре:/ моли́ся о нас ко Го́споду Си́л/ и Пречи́стей Богоро́дице// да спасéт и просвети́т Собо́ю ду́ши на́ша.

### **Тропа́рь, глас 4. (на Обретение мощей)**

**Д**несь све́тло красу́ется честна́я оби́тель тво́я,/ преподо́бне о́тче Феодо́ре,/ мона́си со мирски́ми ликовству́ют/ обрétше тя усéрдного застúпника и те́плаго моли́твенника за ны́, / у Престо́ла Бо́жиего предстоя́щаго/ и за оби́тель и ча́да сво́я усéрдно моля́щагося./ Сего́ ра́ди и мы приле́жно вопие́м ти:/ умоли́ о нас Всеми́лостиваго Бо́га// да спасéт Богоро́дицею от сме́рти ду́ши на́ша.

**Сла́ва, и ны́не, Богоро́дичен: глас то́йже.**



## **На Утрени.**

**На Бѡг Господь: тропарь святаго дважды.**

**Слава, и ныне, Богородичен.**

**По 1-м стихословии седален, глас 4:**

**Обращен бысть, богомудре Феодоре,/ ко Христу Жизнодавцу крестом надгробным,/ внигда бо очима твоима телесными внезапно умершаго виде,/ ушима мысленными слово Христово слыша: по Мне гряди,// и остави мертвым погребсти своя мертвецы.**

**Слава, и ныне, Богородичен:**

**Пресвятая Богородице,/ спаси нас, во гресех погибающих,/ в напастех многоразличных пребывающих,/ скорбящих и унывающих,/ в отчаяние впадающих,/ алчущих и наготующих,/ в болезнях изнемогающих,/ радости заступничества Твоего чающих.**

**По 2-м стихословии седален, глас 2.**

**Воздавав отечества горняго,/ отверглся еси всякаго попечения дольняго,/ в уметы вменил еси богатое свое имение,/ отложился еси славы воинскаго служения,/ и тако, преподобне Феодоре, слышиши с Небеси:/ дерзай, чадо, отпускаются ти греси твои,// востани спяй, и от мертвых воскресни.**

**Слава, и ныне, Богородичен:**

**Богородице, христианом Помощнице,/ всем, ищущим спасения Прибежище,/ подвигом добрым подвизающимся Споборнице,/ на демонския полчища Одоление,/ целомудренно живущим Благословение,/ молися за нас ко Святей Троице,// да простятся вся наша прегрешения.**

**По полиелеи седален, глас**

**Преподобне отче Феодоре,/ юный поморский отшельниче,/ Пощанския обители пустынниче,/ Александро-Невския лавры построженниче,/ Саровския пустыни насельниче,/ Санаксарския пустыни возобновителю,/ духоносне старче и спасения учителю,// молися за ны ко Господу.**

**Слава, и ныне, Богородичен:**

**Стена непобедимая христианом еси, Богородице Дево,/ к Тебе бо прибегающе, невредими пребываем/ и, паки согрешающе, имамы Тя Молитвенницу./ Тем, благодаряще, вопием Ти:// радуйся, Обрадованная, Господь с Тобю.**

**Степенна, 1-й антифон 4-го гласа.**

**Прокімен, глас 4-й: Честна́ пред Господем<sup>✠</sup>  
смерть преподобных Егб.**

**Стих: Чтó воздам Господеву о всех, яже воздаде ми.**

**Евангелие от Матфея, зачало 43.**

**По 50-м псалме стихира, глас 6.**

**Преподобне отче Санаксарский Феодоре,** / во всю землю Русскую богомудрых словес твоих изыде вещание, / имиже донине лестчия демонския полки погубляеши, / мзду трудов своих на Небесех обретаяеши, / идеже равноангельския славы мужей святых сподобляеши, / ихже и житию преподобному поревновал еси. / Ныне же велие имея ко Христу Богу дерзновение, // душам нашим мир испроси и спасение.

**Канон. Глас 2.**

**Песнь 1.**

**Ирмос: Во глубине постла иногда, фараонитское всебинство преоруженная сила, воплощаеся же Слово всезлюбный грех потребило есть, препрославленный Господь, славно бо прославися.**

**Разумом Божественным озарен, Богомудрых даров сподобился еси, духов различения и слова Божия разумения, темже воистинну сый еси дару Божественному тезоименит.**

**Ведуще, яко людие срамно живут, и видяще, яко неуготовани умирают, возжелал еси всем житием себе оплакати и по вся дни мысленно умирати, да Богу угоден будеши.**

**Разсудил еси, богомудре, яко лучше телесне алкати и жаждати, духовно же утешатися Духом Святым, и в дебрех лесов поморских келлию пустынную обрел еси.**

**Богородичен:**

**Мира бегая, миролюбцев злокозненных мести не избежал еси, мало мало не был ими умертвен. Спасен же бысть Взбранной Воеводою, хранящей избранныя Своя. Взывал бо еси к Ней: в скорбех спаси мя.**

**Ин Канон. Глас 1.**

**Ирмос: Твоя победительная десница, боголепно в крепости прославися: та бо, Безсмертне, яко всемогущая, противныя сотре, израильтяном путь глубины новосоделавшая.**

**Т**воя освященная десница, боголепно в крепости прославися: та бо, преподобне, яко всемогущая, благословением именованным разрешала есть от плена греховного страждущих.

**Т**воя многотрудная рама, такожде крепостию богоугодною прославишася: се бо от младости твоея взем на оныя крест свой, с нимже и последовал еси за Христом безропотно.

**О**т Господа милосердаго стопы твоя юныя исправляшася: се бо, яко на крилах ветрених, несоща ты от мирския суеты, доколе не сташа ты на правоте покаяния.

### **Богородичен:**

**М**ати Божия, Ты и рабом Христовым, явися Мати: яко имаши дерзновение велие за род людский Господа умоляти, от всякия нужды и печали избавляти, наипаче же от погибели вечныя спасати.

### **Песнь 3.**

**Ирмос:** Процвела есть пустыня, яко крин, Господи, языческая неплодющая церковь, пришествием Твоим, в нейже утвердися мое сердце.

**У**клонився от зла, блаженне, от дышущих на ты убийством и злобою, воистинну сотворил еси благо, Христову бо заповедь исполнил еси.

**Д**емонскую злобу посрамил еси незлобием своим, пустыннолюбче, се бо в Пощанскую обитель удалився и паки в лесную чащу вселившись, утвердился еси в спасительном смиренномудрии.

**Г**осподь, испытуй раб Своих, в житейстем море восхоте искусити отшельника, яко злато в горниле очищая ты от спящих страстей и умудряя избранника Своего, яко пастыря будущего и кормчаго.

### **Богородичен:**

**М**олил еси Матери Божией, ожидая суда царицы: из темницы чертогов царских изведи мя цела, в чертог же брачный Твоего Сына введи обнищавшую мою душу.

**Ин ирмос:** Единыя ведыя человеческого существа немощь, и милостивно в не воображься, препояши мя с высоты силою, еже вопити Тебе, Святыи: одушевленный Храме неизреченныя славы Твоея, человеколюбче.

**В** пустыне внутренней сердца твоего сокрушеннаго познал еси немощь существа человеческого, и тако возвал еси Господеву: препояши мя с высоты силою, во еже о гресех юности моея просити прощения: помилуй мя, Боже, – вопити Ти.

**В** лесу дѣвственнем скверну души своея омывал еси слез потоками, иже очи твои от тлетворнаго зрѣния очищал еси, еще же и вѣжди твои удерживал еси от ношнаго сна и дреманія деннаго, устнама же и языком от полноты сердца немолчно зывал еси: Иисусе Сладчайший, к рабу Своему прииди.

Промыслом Божественным апостола Первоверховнаго превзошел еси, преподобне, яко не точию в старости твоей, обаче и во дни юности твоей, обетование Христово, Петру данное, на тебе исполнися: и се возложиша руки на тя и ведоша, а може не хощеши, и тако из пустыни твоей на суд царский тя представиша.

### **Богородичен:**

Вину спасаеши, Дево Пречистая, всех просящих Твоей милости. Донине не имамы разве Тебе инья помощи, надежды инья не имамы. Никтоже бо тощ отыде от Тебе, Богородице, николже посрамлен бысть, из молящихся Тебе с верою.

### **Седален; глас 3.**

Христовою любовью разгорѣся сердце твое, преподобне Феодоре, от полноты же его возглаголал еси и усты, Духом Святым наставлял еси вопрошающих о спасении души, стезею правою учения святых отец шествовати, благопокорятися старцам и богомудрым увещавал еси, отложитися дел суетных и помыслов ложных назидал еси, смиренномудренне спасатися о Господе благословлял еси, и тако подобно светильнику, во тме невѣдения сидящим светящему, просиял еси. Темже молися за ны к Царю Небесному, да просветимся и мы Его благодатию.

### **Слава, и ныне, Богородичен:**

Мати Божия, заступничество Твое всеспасительное миру долнему с небеси являющая, не остави нас, во гресех погибающих, не отврати от нас, Господа Милосерднаго прогневляющих, Егоже моли избавитися нам всякаго недоумения и избегнути душепагубнаго заблуждения, испроси нам умиление сердечное и о гресех сокрушение, Яже Предстательница наша крепкая и Помощница скорая.

### **Пѣснь 4.**

**Ирмос:** Пришел еси от Девы, не ходатай, ни ангел, но Сам, Господи, воплщся, и спасл еси всего мя человека. Тем зову Ти: слава силе Твоей, Господи.

Виде тя всероссийская императрица и словеса твои слыша, растворенная благодатию, разумѣ не своего уже воина, но раба Иисус Христова, и всели тя, яко дар Божий, в славную Невскую лавру.

**В**остание плоти сокрушением сердечным препобедил еси, огонь же бесовский телесного разжения угасил еси потоками слез, имиже потребися в тебе всякое страстей терние.

**З**ерцалом благодатного осияния Божественная славы явился еси, Самим Господом предпочищенный добрый делателю винограда Его. К тебе бо сташа прибегати духовно алчущия и жаждущия.

### **Богородичен:**

**Т**воя, Богородице, препобедительная десница девствующих от помрачения ограждает, бесчинства плоти утишает, венцем нетления целомудренных украшает.

**Ин ирмос: Гору Тя благодатию Божиею приосененную, прозорливыма Аввакум, усмотрив очима, из Тебе изыти Израилеву провозглашаше Святому во спасение наше и обновление.**

**Я**ко на Горе Испытания смиренно предстал еси, пред царицею все-сильною, с нею же доблественно стяжался еси о будущем своем житии. И верою искреннею приклонил еси сердце ея на покаяние отпустить тя.

**П**ощением строгим плоть твою духови покорял еси, сего ради утроба твоя хребту твоему прильпе, колена изнемогоста и изменился лице твоё. И тако внешний твой человек умре, а внутренний – оживе и Господеви воззва: слава Тебе!

**С**амую душу свою за ближних твоя положить потщался еси, слову Христову следуя, любовью бо Его дышати сташа перси твоя и сердце твоё целомудренное воспламенилось еси любовью к людем страждущим.

### **Богородичен:**

**П**риснодево Пречистая, Богородице единая, моли родшагося из Тебе мира Спасителя, целомудрия Учителя и всемогущаго Покровителя, да очистит растленные люди и сподобит всех совершенных любве.

### **Песнь 5.**

**Ирмос: Ходатай Богу и человеком был еси, Христэ Бже: Тобю бо, Владыко, к Светоначальнику Отцу Твоему от нощи неведения приведение имама.**

**П**росил еси в молитвах твоих Иисуса Слово Божие, да просветит ум твой разумети Писание, дабы всем во спасение труждающимся предлагати душеполезное наставление, обремененным же грехами подавати решение благодатное.

**З**латоустовым словом от Господа Иисуса взумленный и наставленный, дарованием духовного разсуждения и учительства от Духа Свя-

та облагодѣтствованный, окормлял еси людѣй множество, како Бѳгу угодѣти ѣщущих.

**В**ниманія царскаго бѣгая и зависти братскія, наипаче же ѣщущи сурѳваго и удобоспасительнаго житія, преселѣлся еси в пѳстыню Сарѳвскую, еяже насельники славились суть подвижничеством своим и святостию.

### **Богорѳдичен:**

**З**а любовь твою совершенную, Феѳдоре, блаженным избранником Своим яви тя Матерь Бѳжия, се бо водворѣлся еси со ученики твоими в пѳстынь разоренную, Срѣтению иконы Пречистыя посвященную, и Еяже ради славленія возродѣл еси.

**Ин ирмос: Просветѣвый сиянием пришествія Твоеѳ, Христѣ, и осветѣвый Крестѳм Твоим мѳра концѣ, сердца просветѣ светѳм Твоеѳ богоразѳмья, православно поѳющих Тя.**

**Н**епрестанно молился еси Спасителю нашему, Крестѳм Своим мѳра концѣ осветѣвшему и богоразѳмием просвещѳющему люди Своѣ, ещѣ же и света нетварнаго ѳмнаго видѣния вѣну искал еси. Сего ради воззрѣл есть на тя Христѳс и освятѣл есть тя светѳм ѣстины.

**И**з потока златоструѣйнаго Божественныя Премѳдрости черпѳл еси живѳй воды, еюже жажду духовную вопрошѳющим тя о Гѳспѳде утолял еси, и тако достойным учеником Златѳустовым и богослѳвом ѣстинным явился еси.

**С**миренномѳдріе спасительное из лѳвры столѣчныя в пѳстыню дальнюю тя изведѣ, в ней же многоподвижнически житѣльствуя, дѳхом своим веселѣлся еси и совѣстию покѳбился. И тако от силы послушничества в силу старчества восшел еси.

### **Богородичен:**

**Обитѣль Твоѣ, Богорѳдице, Санаксарская, из запустѣнія и забвѣнія крайняго Феѳдора преподѳбнаго смотрѣнием и чѳд его многочисленных иждивѣнием, промыслѣтельно вознесѣся на свѣщницу церковную, ѣко светильник, возжѣнный во славу Рождества Твоеѳ.**

### **Пѣснь 6.**

**Ирмос: В бѣздне грехѳвне валяся, неизслѣдную милосѣрдія Твоеѳ призывѳю бѣздну: от тлѣ, Бѳже, мѣ возведѣ.**

**П**росиял еси в обитѣли Санаксарстей сиянием славы благодѣтнаго старчества, наставляя, врачѳя, утѣшѳя и укрепляя богомѳдрым слѳвом и совѣтом своим всех сюду притекаѳщих.

**С**ыну Давидову храмоздательством уподобился еси, премудре, в основание же церкви Рождества Богородицы злато молитв своих и камня драгоценныя благословения Божия положил еси.

**П**чёл рой на место Горнее алтаря будущаго возсел еси, знаменуя во обители твоёй, преподобне, монахов умножение и паче сот меда сладчайшея благодати Божественныя на нея излиание.

### **Богородичен:**

**Я**ко пчелиный рой царицею и материю своюю окормляется, тако и обитель Санаксарская имать Материю своюю Царицу Небесную, Еюже путеводствуется, Еяже славит, Ейже молитвенно поёт хвалу.

**Ин ирмос: Обыде нас последняя бездна, несть избавляяй, вменихомся, яко овцы заколения. Спаси люди Твоя, Боже наш: Ты бо крепость немощствующим и исправление.**

**Т**екоса к тебе, блаженне Феодоре, от всех концов земли Русския людие. Се бо обретоша себе отца богомудраго, дух мирен стяжавшаго, немощствующих укрепляющаго, заблудших же исправляющаго.

**С**подобился еси, преподобне, стати строителем пустынный обители Девы Пречистой, Еяже Рождество от неплодныя, и образа Владимирскаго сретение, и южика Ея Великаго главы усекновение благолепными храмами почтил еси.

**Я**ко пчела богомудрая работал еси, Феодоре, весною, летом и осению живота твоего на благо ближняго, и тако щедре нектар благодатный, с цветов райских учения отцев святых собранный, устнама твоима медоточил еси.

### **Богородичен:**

**Д**аже донине не иссякает обитель Твоя, Богородице, Твоею вышнейю милостию, понеже Тобою путеводствуется, Тебе славит, Тебе же молитвенно поёт хвалу: спаси люди Твоя, Приснодевственная, Ты бо крепость немощствующим и исправление.

### **Кондак, глас 2.**

**М**ира суету и вся яже в нем тленная оставив, преподобне, в Санаксарскую обитель вселился еси, идеже ангельски пожив, многим путь был еси ко спасению, сего ради и Христос тебе даром разсуждения и учительства обогатил, темже и мы вопиём ти: спасай ны, Феодоре, святыми твоими молитвами.

### **Икос:**

**П**амять смертную обрет, яко жемчужину многоценную, оставил еси имение свое велие. Многоподвижническое проводил еси и многоскор-

бное жити́е, гонѣния от миролю́бцев терпяще и укорѣния. Во обители же Санаксарстей водворился еси́, яко на воде упокоения. Идѣже единомысленныя себе́ собрав ученики́, благоуспѣшно руководствовал еси́ их, спаса́я во Христѣ, и в Царствіе Небѣсное к престолу́ Божію приводя́, якоже младенцы́ незлобивыя, и яко злато в горни́ле очищенныя, и якоже волна́ убеленныя. Тѣмже обитель тво́я честна́я, святы́ми моща́ми тво́ими ны́не свѣтло красующися, сликовству́я с монахов мно́жеством, велегласно поѣт ти́: радуйся, о́тче наш преподобне и старче Фе́одоре.

## **Пѣснь 7.**

**Ирмос:** Богопротѣвное велѣние беззаконнующаго мучителя вы́сок пла́мень вознесло́ е́сть; Христос же простре́ богочестивым отрокомъ рбсу́ духовную, сый́ благословѣн и препросла́влен.

**С**вято и непорочно окормлял еси́ людѣй мно́жество мірских и монашествующих, яко к старцу́ духовно́сному к тебѣ прибега́ющих и во всѣх нуждахъ сво́их от тебѣ́ духовно́ вспомо́ществуемых.

**Б**ы́ша ученицы́ и ученицы́ тво́я, дѣвствующія, яко брѣтѣя и сестры́ единоутробныя, отцѣмъ тѣ́ имущія, кротостію и смиреніемъ тебѣ́ подража́ющія, в согласіи и еди́нодушіи живущія.

**И**́ мужіе с жена́ми и ча́дами бы́ша к тебѣ́ любóвию по Бóзе привязани, поели́ку в скорбѣхъ сво́их и недоумѣніяхъ вѣ́ну получа́ли сѹть цельбу́ и наставлѣнія, ихже́ исполнити тщи́лися сѹть с радостію.

## **Богородичен:**

**Б**огородице́ Пречі́стая, за Сы́на Твоего́ Божѣственнаго скорбѣ́й неизглаго́ланных ору́дия пронзѣ́ша ду́шу Твою́, моли́ся же за ны́ Распѣвшемуся Спасителю́ нашему, да изба́вит нас мѹ́ки адскія.

**Ин ирмос:** Тебѣ́ умную́, Богородице́, пѣснь, разсмотримъ вѣрнии́: яко́ же бо́ отроки́ спасе́ три́ Превозносимый́, мі́р обнові́ во чре́ве Твоѣ́м всецѣ́л, хва́льный отцѣ́в Бóг, и препросла́влен.

**Б**о́жиим произво́леніемъ из забвѣ́нія возроді́л еси́ в землѣ́ Россійстей старчество́ благода́тное, и мно́гая злострада́нія претерпѣ́л еси́ от невѣдущихъ сегó́ благословѣ́ннаго и все́ми отца́ми святы́ми испытаннаго́ ца́рскаго пу́ти спасѣ́нія.

**П**лоды́ дóбрыя спасительнаго́ послуша́нія отцѹ́ своему́ благода́тному стяже́вали сѹть ученицы́ и ученицы́ тво́я і́скреннія, свято́ и целомудренно́ живущія, смиренномудри́емъ сво́имъ и мужественнымъ скорбѣ́й терпѣ́ніемъ тебѣ́ подража́ющія.

**С**а́м, семе́йныхъ узъ чу́ждый, не гнуша́лся еси́, Фе́одоре богомудре́, Христа́ ра́ди оте́чески руководствовати́ притека́ющихъ к тебѣ́ в печалехъ



своих богатых и бедных мужей с женами и чадами, ихже недуги душевные и телесныя духовно врачевал еси.

### **Богородичен:**

**М**атерь Божия Владычице Небесная, людем страждущим Покрове благодатный, Скоропослушнице, Целительнице и благая Вратарнице, молися ко Христу за ны, недостойныя, да помилует рабы Своя безответныя.

### **Песнь 8.**

**Ирмос:** Пещь иногда огненная в Вавилоне действия разделяше, Божиим велением халдеи опалиющая, верные же орошающая поюция: благословите вся дела Господня Господа.

**В**осхотел Пастыреначальник Христос старчество твое священством обогатити, да в алтаре Его святом свято послужиши и таинством покаяния супротив человекоубийцы древняго преоружишися.

**Я**коже и отец множества, веру и любви совершенныя показал еси, Феодоре, словом и делом пастырское попечение о стаде Христовом явил еси, и душу свою за ближия твоя положил еси.

**Е**ще же изгнание за правду претерпел еси, яко Духом Святым водимый пророк и верный последователю Христов. Се бо воеводу нечестиваго, яко волка хищнаго по долгу старчества обличил еси.

### **Богородичен:**

**М**атерь Божия, Солнце правды рождающая, Имже просветились суть богати людстии. Ты же издревле их в гонениях и мучениях укрепляеши, от клеветных и ложных оправдываеши.

**Ирмос:** В пещи отроцы Израилевы, яко же в горниле, добротю благочестия чистее злата блещахуся, глаголюще: благословите вся дела Господня Господа, пойте и превозносите во вся веки.

**Д**уховничество совершенное, во Христа облеченное, преславно явил еси, похвалю старчеству истинному, отче Санаксарский и чудотворче. На тебе бо силу Свою неизреченную Господь яви, колькраты совершающуюся в человечестей немощи.

**Д**ушепопечительством пастырским, не щадя живота своего и волков мысленных не бегая, богоугодно подвизался еси и тако о спасении стада словеснаго, смотрению твоему ввереннаго, достойно трудился еси.

**В** Нагорней проповеди Христовей подобнии тебе, Феодоре преподобне, о Господе делатели суть убожались и милости неизглаголании неленостно потрудившимся неложно обетовались.

## **Богородичен:**

**В**ыну от клеветы избавляеши, Приснодево истинная, рабы Твоя искренния. Ихже ходатайством Своим всемо́щным ко Го́споду от ра́бства грехо́внаго свобожда́еши и просвеща́еши очеса́ их духо́вныя и се́рдца мы́сленныя.

## **Пёснь 9.**

**Ирмос: Безнача́льна Родите́ля Сын, Бо́г и Госпо́дь, вопло́щся от Де́вы на́м яви́ся, омраче́нная просвети́ти, собра́ти расто́чennaя; те́м Всепе́тую Богоро́дицу велича́ем.**

**В**елии злострада́ния претерпе́л еси́ в Соловёцком изгна́нии, по вся́ дни телесе́не умира́я и в соверше́нное изнемо́жение приходя́, ду́хом же бо́дрствовал, о Христё́ весели́лся и благоду́шествовал еси́.

**С**о сла́вою возврати́лся еси́ в оби́тель свою́ Санакса́рскую, иде́же бесе́дою духо́вною утеша́л еси́ бесчи́сленныя своя́ ученики́, за ни́хже па́ки и па́ки напа́дки и притесне́ния терпе́л еси́.

**С**корб́ями мно́гими восше́л еси́ в го́рний Сио́н, иде́же в сла́ве вели́ей во оби́тели небе́сней пребыва́еши, и́же во Христё́ ча́д твои́х мно́жество та́мо покóиши и Трóицу Святу́ю велегла́сно сла́виши.

## **Богоро́дичен:**

**В**лады́чице, услы́шь моли́твы ра́б Твои́х, и изба́ви ны́ от вся́кия ну́жды и печа́ли. Во оби́тели, и́мени Твоему́́ всесла́вному посвяще́нныя, приходя́щих благослови́ и всю́ во Христё́ бра́тию спаси́.

**Ин ирмос: О́браз чи́стаго Рожде́ства́ Твоего́, огнепали́мая купина́ показа́ неопальна́я: и ны́не на на́с напáстей свирéпеющую угаси́ти, мо́лимся, пещь, да Тя́, Богоро́дице, непреста́нно велича́ем.**

**С**кро́тостию терпе́л еси́, преподо́бне Фе́одоре: от ды́ма пещна́го угоре́ние, от мра́за стужа́ние, от гла́да и жа́жды томле́ние и безысхо́дное темни́чное заточе́ние. По вре́мени же утешен бы́сть Го́сподом и изба́влен бы́сть лю́тых сих.

**Б**езпоро́чнаго ра́ди пре́д Го́сподом хо́ждения твоего́́ и па́стырства ре́вностнаго до грóба терпе́л еси́ злосло́вие и клевету́, ихже во мно́жестве воздви́заша на тя́ лю́тии де́мони и лю́дие злочести́вии, не терпя́щи служе́ния твоего́́ Бо́гу Еди́ному.

**М**но́гажды явля́л е́сть Мздовозда́тель Пра́ведный посме́ртную сла́ву твою́, Фе́одоре, и благоле́пную оби́тель небе́сную дарова́л е́сть тебе́ со ученики́. Отню́ду же по́мощию сво́ею моли́твенною по́мнящим тя́ и о Го́споде лю́бящим не зако́сни.

### **Богородичен:**

Пресвятая Богородице, ублажают Тя, Пречистая, восхваляют, Приснодévственная, почитают, Преблагословенная, вси рóди Трóице Святей вérных безчísленнии, ихже спасала еси и вýну спасаеши. Не презри и нас, нéможных, под кров обителй Твоих прибегающих.

### **Светíлен:**

Подвигом старчества подвизаяся, просиял еси в земли Россiйстей, яко светильник Божественная благодати, возженный в пустыни Санаксарстей, идеже, Феодоре освященный, добре пасеши монахов множество и всю яже о Христе паству.

### **Ин светíлен:**

Светом Трисияннаго Божества осиян бысть, богомудре отче наш Феодоре, и огнем Любве Божественная бысть опален, имиже греховный мрак рассеивается и потребляется тмение злых дел.

### **Слава, и ныне, Богородичен:**

Дéво Пресвятая, Сына Бóжия, Единорóднаго плóтию рóждшая, Иже от Отца рóжденнаго прежде всех вék; нашего ради спасения с небес сшэдшаго и воплотившагося нас ради человек. Егóже моли, Приснодéво, Дýха Святаго благодатию осияти обитель сию, избранником Твоим Санаксарским, отцем нашим преподóбным Феодором посвященную всеславному Рождеству Твоему.

### **На хвалíteх стихíры, глас 5.**

#### **Подóбен: Рáдуйся:**

Рáдуйся, вérный рабе Христóв Феодоре, ✠ достоинство бо явил еси не рабее, но сынóвнее, ✠ Отчее имение со тщанием преумножил еси, ✠ в трудех непрестанных талант единый удесатерил еси, ✠ ревнителем добрым делом показался еси, ✠ к памяти смóртней пустынное житие приложил еси, ✠ скорби велии о Гóсподе Иисýсе претерпел еси, ✠ о Немже малых сих множество научил еси ✠ и велиим в Цáрствии Небéсном наречен.

Рáдуйтесь, ученицы и ученицы Феодоровы, ✠ отец бо ваш прославися в лице преподóбных, ✠ пожил бо еси подобне отцем дрéвним, ✠ шествовал еси путем узким и скорбным, ✠ вниде в живот вéчный тесными вратами, ✠ имиже то́чию нýждницы в Цáрствие Бóжие входят, ✠ вы же наследовали егó молитвами вашего старца, ✠ священную власть имущаго грехи ваша решить и вязати, ✠ на пользу душí наставляти вас и учить: ✠ целомудренно, и праведно, и благочестно жити.

**Р**áдуйся и ликуй, обитель Санаксарская, ✨ в тебе бо возросло древо доброе, ✨ древо же доброе и плоды творит добры, ✨ духовное же приносит духовни, ✨ плоды же духовни суть: ✨ любви, радость, мир, долготерпение, ✨ благодать, милосердие, ✨ вера, кротость, воздержание, ✨ согрешивших кроткое исправление, ✨ друг друга бремен ношение, ✨ закона Христова исполнение.

**Р**áдуйся и ты, земле Русская, ✨ твоя бо есть крепость обитель Санаксарская, ✨ в нейже сына твоего славнаго останки покоятся, ✨ из нейже в горнее молитвы о благоденствии твоём возносятся, ✨ потоками сюду притекают православнии людие, ✨ се бо домом Матери Божией она является, ✨ именем Ея именуется, ✨ иконами Ея дивными украшается, ✨ славится святыми мощами Феодора преподобнаго.

### **Слава: глас 2, самогласен:**

**Р**áдуешися ныне, преподобне Феодоре, / во обителях Отца Небеснаго, / в Троице Святей славимаго, / в молитвах твоих ублажаемаго, / Егоже неотмирными словесы тобою проповеданнаго, / твоими собратиями и ученики вину поклоняемаго, / Приснодеву Марию возвеличившаго, / ангельския чиновачалия освящающаго, / демонов же лютых ужасающаго, / ихже и ты препобедил еси угодным Богу житием, / бдением молитвенным и строгим пощением, // безропотным крестоношением и богомудрым рассуждением.

### **И ныне: глас тойже.**

**М**ати Божия, Спасителя мира родшая, / у подножия Креста Его нас усыновившая, / жребий Иверский служения апостольскаго принявшая, / унаследовавшая же гору Афонскую, / от нейже обитель Киево-Печерскую сугубо благословившая, / обитель же Серафимо-Дивеевскую Своим уделом избравшая, / молись и за обитель преподобнаго Феодора Санаксарскаго, // Рождеству Твоему достохудному им посвященную.

### **Молитва преподобному старцу Феодору Санаксарскому.**

**О** преподобне и богоносне отче наш старче Феодоре, Санаксарския обители Пресвятыя Владычицы нашея Богородицы славо и похвало! Верный рабе Христов, сугубаго дара рассуждения духовнаго от Спасителя мира сподобльшийся. Зане яко видяще безвременную и безславную кончину искренняго твоего, возвал еси Господеву: где обрящуся аз, аще в сицевых застанеша мя? Во ад ли сиду или вчинюся в рай? И глас евангельский услышал еси, егоже Христос изволи изре-

щї: якоже застáну, такожде и суждú. И тако в сёрдце своём положїл есї: от тлѣна мїра сегó бѣгати, и дúхом нїщенствовати, о гресѣх своих плáкати, искáти крóтости, правды Бóжией алкáти и жаждáти, немїловых к тебѣ мїловати, сёрдце очищáти, враждúющих умиротворяти, правды рáди страдáти, Христá рáди поношѣния потерпѣти, злослóвие прияти, в злострадáниях сїх рáдоватися и мздý небѣсныя чáяти. Такожде и пожїл есї и слáву вѣлию приял есї за пóдвиги земнїя на небесї. Тѣмже и мы вzywáем тї: спасáй нáс, блажѣнне, твоїми молїтвами. Обїтель твою святою сохрани, брáтию в пóдвизе крестоношѣния утвердї, послúшникам терпѣние ниспослї, труждáющихся благословї и укрепї, молящїяся лúди услýши и вся благáя желáния їх испóлни, всѣм же смиренномúдрия їстиннаго, блáгости непрелѣстныя и любвї совершенныя у Гóспода испросї, да поклóнятся всї Бóгу Едїному и їстинному в Трóице Святѣй слáвимому Отцú, и Сýну, и Святóму Дúху, и благодарственныя своя хвалы Емú принесúт ныне и присно, и во веки веков. **А**мїнь.

# **СЛУЖБА**

**преподобному Александру  
исповеднику Санаксарскому**

**На Велицей вечерни.**

**Блажен муж: 1-й антифён.**

**На Гóсподи воззвах: глас 4.**

**Подóбен: Яко дóбля:**

**И**стины водружение, ✨ и веры утверждение, ✨ и догматов предложителя ты знаем, ✨ благочестия согласника, ✨ чистоты селение, ✨ и приятелище избранное, ✨ благовоние дýха, ✨ и превеликое сокровище учений, ✨ и основание Христовы Церкви, ✨ священноявленне богодухновенне, Александре.

**А**постолов преемника, ✨ страдальцев единоправна, ✨ постников единопоревнителя восхваляем ты ✨ и учителей печать, ✨ и божественное изображение, ✨ Христова тайноводителя богонóсе всехвальне, ✨ и боготочную реку разумений ✨ беззаконников и хульников мысли потопляюща, ✨ премудре, Александре.

**П**ремудрости талант ✨ умножив пребогате, ✨ радости сподобился еси Гóспода твоего. ✨ Испещрен благодатию ✨ божественнаго сияния, ✨ и зарю мысленно сияя духовною, ✨ ныне предстоиши Деснице Жизноносней, ✨ оттуда лучами ✨ всегда облистаемь славне, Александре.

**Слава, самогласен, глас 6:**

**И**злияся благодать во устнах твоих преподобне отче, Александре, и был еси пастырь Христовы Церкви, уча словесныя овцы веровати в Троицу Единосущную во едином Божестве.

**И ныне, Богородичен: Кто тебе не ублажит:**

**Аще ли не празднуеши, глаголи сей богородичен:**

**А**з Дево святая Богородице, к покрову Твоему прибегаю: вем, яко обрящу Тобю спасение: можеш бо Чистая, помози мне.

**Крестобогородичен:**

**Ю**ница нескверная, юнца видящи на древе пригвождаема волею, рыдаючи жалостне, увы мне вопияше, любимейшее чадо! Что ти сонм воздаде безблагодатный еврейский, хотя мя обезчадствовати от Тебе вселюбезне.

**Вход. Прокимен дне. И чтения три:**

**Премудрости Соломоновы чтение (глава 3):**

**П**раведных души в руке Бóжией, и не прикоснется их мука. Непщевани быша во очесех безумных умерети, и вменися озлобление исход их. И еже от нас шествие сокрушение, они же суть в мире. Ибо

пřed лицём челоуёческим áще и му́ку при́мут, упова́ние их безсме́р-  
тия испо́лнено. И в ма́ле нака́зани б́ывше, вели́кими блгодéтельство-  
вани б́удут, я́ко Бóг искуси́ я. И во вре́мя посещéния их возия́ют и, я́ко  
и́скры по стéблию, потекúт. Сúдят язýком и облада́ют людьми́, и во-  
царит́ся Госпóдь в н́их во вéки. Надéющиися Нáнь разумéют и́стину и  
вёрнии в любви́ пребúдут Емú, я́ко благодáть и м́лость в прподóбных  
Егó и посещéние во избр́анных Егó.

#### **Премúдрости Соломóновы чтéние (глав́а 4):**

**П**ра́ведник áще пости́гнет сконч́атися, в покóи б́удет. Стáрость бо  
честна́ не многолётна, ниже́ в числé лёт исчит́ается. Сед́ина же  
ёсть мúдрость челоуёком, и вóзраст стáрости — жити́е несквёрное.  
Благоуго́ден Бóгови б́ыв, возлю́блен б́ысть и живýй посреде́ грéшник  
престáвлен б́ысть. Восхищ́ен б́ысть, да не злóба изменит́ рáзума егó  
или́ лéсть прельсти́т дúшу егó. Рачéние бо злóбы помрача́ет дóбрая,  
и парéние пóхоти пременя́ет ум незлóбив. Сконч́ався вмале́, испо́лни  
лéта дóлга, угóдна бо бé Гóсподеви душ́а егó, сегó рáди потщ́ася от  
среды́ лука́вствия. Лю́дие же ви́девше и не разумéвше, ниже́ полóжше  
в помышл́ении такоуёе, я́ко благодáть и м́лость в преподóбных Егó и  
посещéние во избр́анных Егó.

#### **Премúдрости Соломóновы чтéние (глав́а 5 и 6):**

**П**ра́ведницы во вéки живúт, и в Гóсподе мзда́ их, и попечéние их у  
Вы́шняго. Сегó рáди при́мут Цáрствие благолéпия и венéц доб-  
рóты от рукí Госпóдни, занé десни́цею покры́ет я́ и мýшцею защитит́  
их. При́мет всеору́жие рвéние своё́ и воору́жит твáрь в мéсть врагóм.  
Облечéтся в брон́я прáвды и возложит́ шлём сúд нелицемéрен. При́-  
мет щит́ непобедимýй преподóбие, поостри́т же напрáсный гнёв во  
ору́жие, спобóрет же с н́им м́р на безумныя. Пóйдут праволúчныя  
стрéлы мóлниины и, я́ко от благокру́гла лúка облакóв, на намéрение  
полет́ят. И от каменомéтныя я́рости испо́лнь падúт гра́ды, вознегодú-  
ет на н́их вода́ морскáя, рéки же потоп́ят я́ на́гло. Сопрот́ив стáнет им  
дúх с́илы и, я́ко в́ихор, разв́еет их, и опустоши́т всúю зéмлю беззакó-  
ние, и злодéйство преврати́т престóлы с́ильных. Слы́шите úбо, цáрие,  
и разумéйте, нав́ыкните, судий́ концёв земл́и, внуши́те, держáщи  
мнóжества и горд́ящиися о наро́дех язýк, я́ко данá ёсть от Гóспода  
держáва вáм и с́ила от Вы́шняго.

#### **На стихóвне стихи́ры, гл́ас 8:**

#### **Подóбен: О пресл́авнаго чудесé:**

Óтче всемúдре, Алексáндре, ✨ Цéрковь Христóву ✨ уясни́л еси́ пёснь-  
ми, ✨ божéственная поя́ пресл́авне, ✨ дéйством óтче Дúха твою́ цевни́-  
цу удар́яя, ✨ всеподóбней Дави́дове подóбся: ✨ ёюже возглаш́ая, ✨  
божéственными пёсньми вс́я привлéкл еси́.



**Сти́х: Честна́ прѣд Ѓсподем/ смѣрть препод́бных Еѓ.**

О́тче пресла́вне, Алекса́ндре, ✠ мирскія отсту́плъ мяте́жныя мол-  
вы, ✠ ко Христу́ве прите́кл еси́ тишинѣ препод́бне, ✠ и видѣнии  
божѣственныхъ дея́ний, ✠ всебога́тыми я́ве светлосты́ми, ✠ воистинну  
обога́тился еси́, ✠ и ве́рным прѣдал еси́, ✠ боголе́пным сия́я ✠ жити́ем  
преблаже́нне.

**Сти́х: Блаже́н му́ж, бо́йся Ѓспода,/ в за́поведех Еѓ восхо́-  
щет зело́.**

Прииді́те земноро́дни, ✠ пе́снями священно́е и честное́ ✠ препод́-  
бнаго торжеств́о, Алекса́ндра, ✠ днесъ благоче́стно воспо́йм. ✠ се́ бо  
воистинну божѣственнаго сия́ния ✠ сподо́бися свѣт прія́ти. ✠ О неиз-  
рече́ннаго благосѣрдя Твоеѓо Влады́ко Ѓсподи, ✠ имже мы́ позна́-  
хом, ✠ сла́вити Тя́ преблагáго!

**Сла́ва, глас 8:**

Мо́нахов мно́жества, наста́вника ты́ почита́ем, о́тче на́ш Алекса́нд-  
ре: твоѣю бо стезе́ю воистинну пра́во ходи́ти позна́хом, блаже́н еси́,  
Христу́ рабо́тав, и вра́жию обличи́л еси́ си́лу, а́нгелов собесѣднице,  
препод́бных соприча́стнице и пра́ведных, с ни́миже моли́ся Ѓсподе-  
ви, поми́ловатися душа́м на́шим.

**И ны́не, Богоро́дичен, глас то́йже: Безневѣ́стная де́во:**

**Тропа́рь, глас 8.**

Правосла́вия наста́вниче, благоче́стия учи́телю и чистоты́,/ все-  
ле́нныя свети́льниче, препод́бных, я́ко воистинну удобре́ние, Алек-  
са́ндре премúдре,/ уче́ными тво́ими вся́ просвети́л еси́, цевни́ца  
духо́вная. //Моли́ Христа́ Бо́га спасти́ся душа́м на́шим.

**Сла́ва, и ны́не, Богоро́дичен: глас то́йже.**

**На Утрени.**

**На Бо́г Господь: тропа́рь свята́го два́жды.**

**Сла́ва, и ны́не, Богоро́дичен.**

**По 1-м стихосл́овии седа́лен, глас 4:**

**Под́обен: Вознесы́йся:**

Земны́х и тле́нных наслажде́ния, и ми́ра красоты́, и пи́щи вре́мен-  
ныя небре́кл еси́, в пусты́ни жити́е возлюби́л еси́: отсю́ду сподо́бился  
еси́ му́ченическому и по́стническому ли́ку сочетáтися. С ни́миже моли́  
спасти́ рабы́ тво́я.

**Сла́ва, и ны́не, Богорóдичен:**

Чи́стая Всенепорóчная и Неискусобра́чная, еди́на безлётнаго Сы́на и Сло́ва Бо́жия в лéте рóждшая: Тогó со святы́ми и честны́ми апóсто-лы, мученики и проро́ки и преподо́бными, моли́ дарова́ти нам очище́ние, и ве́лию ми́лость.

**По 2-м стихослóвию седа́лен, глас 4.**

**Подóбен: Ско́ро предвари́:**

Христу́ послéдовав, мир оста́вил еси́, и плóть покорив воздержáнием я́ве, преблаже́нне, Алексáндре, отону́дуже свяще́ния пома́зание имéл еси́. Ны́не же к невещéственным преста́вился еси́ ликом, моля́ о всéх нас восхваля́ющих тя́.

**Сла́ва, и ны́не, Богорóдичен:**

Еди́на рóждшая Творца́ всéх, еди́на украсившая челове́чество рождество́м Твои́м Пречи́стая, изба́ви мя сетей лъсти́ваго велиа́ра: поста́ви мя на ка́мени Христовых хотéний, Тогó моля́щи приле́жно, Егó-же воплотила еси́.

**Велича́ние: Ублажа́ем тя́ преподо́бне óтче, Алексáндре:**

**Псалом: Терпя́ потерпéх:**

**По полиелéи седа́лен, глас 3**

**Подóбен: Божéственныя ве́ры:**

Божéственным Ду́хом просвещéн, проповéдал еси́ со дерзнове́нием правосла́вия преда́ние, всеблаже́нне, Алексáндре, и мучи́теля беззако́нна посрами́л еси́, в заточе́ния непра́ведно отсыла́емь: óтче преподо́бне, Христа́ Бо́га моли́, грехóв оставле́ние пода́ти, чту́щим любóвию святу́ю па́мять твою́.

**Сла́ва, и ны́не, Богорóдичен:**

Кийждо иде́же спаса́ется, та́мо пра́ведно и притека́ет: и ко́е инóе таково́е прибе́жище, я́ко Ты́ Богорóдице, покрыва́ющее ду́ши на́ша.

**Степéнна, 1-й антифо́н 4-го гласа.**

**Прокíмен, глас 4-й: Честна́ пред Го́сподем/  
смёрть преподо́бных Егó.**

**Сти́х: Чтó возда́м Го́сподеви о всéх, я́же воздаде́ ми́.**

**Ева́нгелие от Матфе́я, зача́ло 43.**

## По 50-м псалмѣ стихіра, глас 6.

Преподобне отче, во всю землю изыде вещание исправлений твоих: тем на Небесех обрел еси мзду трудов твоих, демонов погубил еси полки, ангелов постигл еси чины, ихже житию непорочно поревновал еси: дерзновение имея ко Христу Богу, мир испроси душам нашим.

### Канон. Глас 6.

#### Песнь 1.

**Ирмос:** Яко по суху пешествовал Израиль, по бездне стопами, гонителя фараона видя потопляема, Богу победную песнь поим вопияше.

Всемысленно Тебе Спасе возлюбил священник, Александре, ко страданию приложився крепко, скорби и болезни и подвиги терпя, дондеже обрете пищу безконечную.

Кривыми кроплениями сланое неверствия море утолил еси: река был еси Христова, напаяя воистинну Церковь присно.

Распростертыя подвиги на земли, принесл еси Богу славне, Александре, и Царствия Небеснаго сподобився венцы прияти, и вечный живот нерушимый.

#### Богородичен:

Украшена добротою добродетелей, Богомати Чистая, Бога истиннаго добродетель зачала еси, нас божественными добродетельми просветившаго.

#### Песнь 3.

**Ирмос:** Несть свят, якоже Ты Господи Боже мой, вознесый рог верных Твоих, блаже, и утвердивый нас на камени исповедания Твоего.

Ни веждома дремания, ни очима сна вдаль еси преподобне отче, Александре, дондеже дом явился еси Святыя Троицы, и премудрости сокровище, мир обогащая золотозарными учениями блаженне.

Божественных повелений хранитель быв богомудре, Александре, в темницах затворен был еси, отверзая верным затвор учительнаго пути, на широту разума вводящаго.

Силою божественною укрепився, безкрепостную дерзость беззаконных низложил еси, исповеданием твердым, всесвященный Александре, страдалече, яко оружник божественнаго полка.

### **Богорóдичен:**

Премудрость и Слово Óтчее, прэжде сый всéх вéк, в послéдняя лéта неизречéнно воплотíвыйся от неискусобрачныя Тебé Мáтере, Богорóдицу Тя содéла.

### **Седáлен; глáс 4.**

#### **Подóбен: Явíлся еси днесь:**

Слáвное сóлнце, я́ко денни́цу на высотé поста́ви ты Своёй Цéркви, вёрныя просвещáя словесы́ твоими́, Небéсный тайнниче Алексáндре, богомудре óтче нáш.

### **Слáва, и ны́не, Богорóдичен:**

Чíстая Всенепорóчная и Неискусобрачная, е́дина безлётнаго Сы́на и Сло́ва Бóжия в лéте рóждшая: Тогó со святými и честными́ апóсто-лы, мученики и прóроки и преподóбными, моли́ даровáти нáм очищéние, и вéлию мíлость.

### **Крестобогорóдичен:**

На крестé Тя воздв́ижена я́ко úзре Пречíстая Мáти Тво́я Сло́ве Бóжий, мáтерски рыдáющи вещáше: чтó нóвое и стрáнное Сы́не мóй, чúдо; кáко жízнь всéх приближáешься смéрти, оживíти хотя́ умéр-шия, я́ко милосéрд.

### **Пёснь 4.**

**Ирмóс: Христóс мо́я сíла, Бóг и Госпóдь, честнáя цéрковь боголéпно поёт взывáющи, от смýсла чíста о Гóсподе прáздну-ющи.**

Копиём словесы́ Твоими́ безбóжие пронзíл еси́, и страдáнии Твои́ми я́ко мечём бесóвския полкí победíл еси́, íхже злóбы избáви чтúщыя ты́ всехвáльне Алексáндре.

Не жрú бесóm, ни устрашáюся смéрти, ни мýк вещéй, священномученик Алексáндре, взывáше: но Е́динаго Бóга исповéдую в Трóице познавáема.

Вíдев Госпóдь твоегó смирénия преслáвную высотú, свýше строénия тебé слóво дáрует: íмже ересей лúтая смири́шася возношénия, óтче.

### **Богорóдичен:**

Я́ко двéрь приводя́щую к божéственному вхóду, я́ко ра́й божéственный, я́ко мýсленное мéсто свящénия, я́ко добрóту Иáковлю Дéву ублажáем.

## Пёснь 5.

**Ирмóс:** Бóжиим свётом Твоём, блаже, ўтреннюющих тї дýши любóвию озарї, молюся, Тя вёдети Сло́ве Бóжий, їстиннаго Бóга, от мра́ка грехóвнаго взывáюща.

**С**лэз твоїх течёнием всемúдре óтче Алексáндре, сластэй изсушил есї пучїну, и излїтием учёний твоїх ересей потóки блаженне заградїл есї.

**Ц**ёрковь был есї вместїльна óтче Алексáндре, Трóице воїстинну, украшен благодáтию, и озарёнием честнých добродётелей, и учїтельным смирёнием.

**Т**ерпёнием твоём низложїв вся шатáния лукаваго, тогó вредá мя избáви, бóдра всячески содевáя, стезя́ми приводящими к Бóгу сла́вне, Алексáндре.

### Богорóдичен:

**П**оём, Всечїстая, їз Тебё плóть страстнúю и смёртнúю нас рáди прїёмшаго, и вїдимо рождество смёшеною неслїтною ипостáсию.

## Пёснь 6.

**Ирмóс:** Житёйское мóре, воздвизáемое зря напáстей бурею, к тїхому пристáнищу Твоемú притёк, вопїю Тї: возведї от тлї живóт мóй, многомїлостиве.

**С**ветїло бїв страдáний твоїх свётом просвещáя концы, исповёдал есї їмя Христóво прёд мучїтели страсотёрпче Госпóдень всехвáльне Алексáндре.

**Я**зык твої я́ко трóсть скоропїсца кнїжника, воїстинну бысть, исповёдая рáзум всечёстен, в скрижáлех серде́ц начертáяй óтче Алексáндре, закóна духóвнаго.

**Т**воегó пла́вающи поучёния стяжавáюще тишинú, óтче богоглагóливe, пучїны треволнёния избавля́ются душеврédнаго, и от инých ересей приходя́щи вёрою спаса́ются.

### Богорóдичен:

**Д**úх Святы́й на Тя, Чїстая, дёвства храни́ло нашёд, соде́ла честнóе селёние всенепорóчная Сы́на Вы́шняго Всеблаженная.

### Конда́к, глáс 2.

**Н**асладївся богомúдре воздержáния, и желáния плотскáя ты успїл есї, явївся вёрою возвращáемь, и я́ко животá дре́во ра́йское процвёл есї, Алексáндре, óтче свящённый.

### **Икос:**

**Отвѣрзи ми устнѣ пресвещенне, богоприятными твоими молитвами, предстоѣ Бѣгу всеславне преподѣбне мучениче, да воспѣю блаженное твоѣ житиѣ, и возглаголю достѣбно добродѣтели твоѣ, яже на земли тѣплою любѣвию совершил еси: исповѣдник бо был еси крѣпок, воздержаніе верою исправив, бденіе и чистоту возлюбил еси, Александре, отче священнѣй.**

### **Пѣснь 7.**

**Ирмос: Росодательну ѹбо пѣщь содела ангел преподѣбным отроком, халдеи же опаляющее веление Бѣжие, мучителя увещѣ вопіти: благословен еси, Бѣже отец наших.**

**Я**ко пресвѣтло житиѣ твоѣ бѣсть богомудре пощенія ради, тако явѣся твоѣ страданіе твѣрдо: Христѣ бо прославил еси явѣ, вопіѣ: благословен Бѣг отец наших.

**Ц**еломудрия чистотѣ препоясався мужеством, богоугѣднѣй отче Александре, и мученія венѣц свѣтел восприим благодѣтию, вопіѣл еси: благословен Бѣг отец наших.

**Н**екланяющіися пречѣстей иконѣ Твоѣй, Спасе, нечестивіи слугѣ Твоего многоранно оскорбляху, присно глаголюща, и вопіюща к Тебѣ: благословен Бѣг отец наших.

### **Богорѣдичен:**

**С**едѣѣ в недрах родительных неопісан Пречѣстая, ныне же от Твоѣх недр произшѣд седѣт опісан, Твоему подобѣся образу, за еже спасти Адама, Адам бѣв.

### **Пѣснь 8.**

**Ирмос: Из пламене преподѣбным рѣсу источил еси, и праведнаго жѣртву водою попалил еси: вся бо твориши, Христѣ, тѣкмо еже хотѣти. Тя Превозносим во вся вѣки.**

**С**ветонѣсно показѣлся еси, якоже другѣе солнце, поученіе посылая концѣм, тмѣ несветѣщую всякаго грѣха отимая блаженне, Александре, свѣтом покаянія.

**С**труѣми божественных ученій ограждаемѣ, рекѣ якоже от другаго Едема изшѣл еси, лице земли напоѣя богоугѣдничѣ Александре, и нечестія плѣвелы потопляя.

**У**красовѣлся еси всеблаженне добрѣтою словѣс твоѣх, Святаго бо Духа явѣлся еси трѣсть, написуѣя верным благочестивно разум божественнѣй, превозносѣ Христѣ во вѣки.

## **Богорóдичен:**

Ко Твоему прибегаю покрову Всенепорóчная, и заступлєние ныне животу моему Тя предлагаю, яже пáче умá Бóга Слово рóждшая: Егóже превозно́сим во ве́ки.

## **Пѣснь 9.**

**Ирмóс:** Бóга челове́ком невозмо́жно ви́дети, на негóже не сме́ют ч́ни а́нгельстии взирáти: Тобóю же, Всеч́стая, яв́ися челове́ком Слово воплощённо, Егóже велича́юще, с Неб́сными во́и Тя ублажа́ем.

Я́ко свѣт, я́ко луна́, я́ко вели́кое со́лнце, я́ко мо́лния Христо́ве Цѣркви возсия́в, и ве́рных мýсли просвети́л еси́, в невечѣрном свѣте всели́в-ся, по́я трисвяты́ми гла́сы Трóицу несозда́нную.

Земля́ святы́м грóбом обогати́ся, Алексáндре, и священным всехвáльне твои́м тѣлом, и пра́ведных възигра́шася дýси, а́нгели же, блаже́нне, дýх тво́й прия́ша: с ними́ же все́х нас помина́й пою́щих тебѣ.

Хра́м Дýха Пресвята́го б́в, и река́ во́д живóтных наполня́ема, и Цѣркве основáние недви́жимое, стѣпень правосла́вия, стру́я присно-теку́щая, божѣственнаго пока́яния исто́чник досто́дивный. Алексáндре.

## **Богорóдичен:**

Я́коже ка́пля Неб́сная во Твое́ чре́во, Де́во, до́ждь сн́де, и изсу́ши́ лѣстная течѣния, исто́чив нетлѣния и избавлѣния все́м челове́ком, Тобóю Богоблагодáтная.

## **Свети́лен:**

Страда́ние у́бо пѣрвое до́бре иску́сился, второ́е постóм течѣние божѣственное соверши́в, на Небеса́ возше́л еси́, и Христу́ предсто́иши, Алексáндре, óтче преподо́бне: за нас моли́ся тѣпле пою́щих тя́.

## **Сла́ва, и ны́не, Богорóдичен:**

Ра́дость неизрече́нную рóждши Го́спода, ра́дости нас Неб́сныя причáстники сотвори́, все́х Тебѣ почита́ющих Преч́стая, и благода́рєние от ду́ши принося́щих Тебѣ: не забóуди рабо́в Твои́х, благослове́нная Мари́е.

## **На хвалитех стихи́ры, гла́с 4.**

## **Подóбен: Дáл еси́ зна́мение:**

Благода́ть Дýха, óтче Алексáндре,<sup>✠</sup> тебѣ возсия́вши,<sup>✠</sup> свѣтло просвети́ ты́:<sup>✠</sup> отсю́ду ума́лил еси́ страсте́й но́щь,<sup>✠</sup> и безстра́стия дѣнь

постігл есі, ✨ чісте чистейшему світу совокуплься, ✨ в нёмже жителствуя, ✨ не забуди богогласе, ✨ верою поющих священную твою память.

**Б**лагодать желанную тебе Александре, ✨ нося Небесную, ✨ земных небрекл еси: ✨ сего ради яко безплотен, ✨ страдательное избрал еси житие, ✨ яко присносущныя сладости потока, ✨ благочестно насладитися хотя богоприятне, ✨ и слезами преподобне изсушил еси ✨ мутный источник страстей, ✨ и напоил еси душепитущныя класы.

**Б**лагодать исцелений, Александре, ✨ от благодати божественныя достойно приял еси: ✨ отсюда духов тебе лукавых ✨ низлагается прелесть, ✨ и недуг неудобных тли отбег пришёл еси: ✨ источаеши бо преподобне яко воды благодатныя твоя струи, ✨ от нихже напоями, ✨ воспеваем память твою.

### **Слава: глас 5.**

Преподобне отче, не дал еси сна твоима очима, ни веждама твоима дремания, дондеже душу и тело от страстей свободил еси, и тебе самого уготовал еси духу жилище: пришед бо Христос со Отцем, обитель у тебе сотвори, и Единосущныя Троицы угодник быв, великопроповедниче отче наш, Александре, молись о душах наших.

### **И ныне, Богородичен:**

Блажим Тя Богородице Дево, и славим Тя вернии по долгу, град непоколебимый, стену неборимую, твердую предстательницу, и прибежище душ наших.



# **СЛУЖБА**

**святому праведному  
Феодору Ушакову,  
Адмиралу флота Российскаго,  
Непобедимому**

## На Мáлой вечéрни.

### На Гóсподи воззвáх: стихиры, глáс 1.

#### Подóбен: Всехвáльнии мýченицы:

От благочестíваго кóрене святолéпная розгá произшэд,✠ плод произнесé любвé и правды,✠ премíрно благоухáя вёрно от души чтúщья тя,✠ о нíхже со Ангелы Христу́ моли́ся, Феóдоре,✠ даровáти мир и вéлию мíлость.

Преслáвное твоé житиé✠ и пóдвиги вéлии яже на мóри,✠ всю́ду предíвна ты показá,✠ праведников благолéпие, воевóд похвалó:✠ и я́ко сóлнце на землí лучí распростёр, озарíл есí вёрных сердца,✠ совершáющих божéственную твою́ пáмь,✠ всехвáльне Феодоре.

Благочéстием и вéрою свéтло украсен,✠ я́ко мýжествен вóин, и преизрýден, и преименít,✠ Правослáвнаго Отéчества побóрник бýл есí,✠ от негóже ны́не ублажáемь,✠ моли́ даровáти нáм мíр и вéлию мíлость.

Тíрона и Стратилáта хрáбрости подражáя,✠ извóлил есí брáтися за лúди Божия,✠ тэмже и на злочестíвых агáрян нашэд,✠ невредíмь пребýл есí,✠ слáву Отéчеству твоёмú приносá.✠ Ны́не úбо со святými пребывáя,✠ мíрное житиé у Господа испросí наследíю твоёмú.

#### Слáва, глáс тóйже:

Приидíte вёрнии, в честнúю обíтель Санаксáрскую,/ вели́цыи и мáлии,/ восхвáлим тéплаго прдстáтеля и ходáтая/ Христóва вóина и молíтвенника// праведнаго Феóдора.

#### И ны́не, Богорóдичен, глáс тóйже:

Рáдуйся, Богорóдице Дéво,/ рáдуйся, похвалó всея́ вселénныя,/ рáдуйся, Пречíстая Мáти Бóжия, Благословénная.

### На стихóвне стихи́ры, глáс 2:

#### Подóбен: Дóме Евфра́фов:

Дóм добродéтелей Святáго Дúха✠ поспешéнием благодáти✠ Феóдор явíся;✠ тэмже ны́не сошэдшеся✠ томú воспóим.

**Стíх:** Возвеселíтся праведник о Гóсподе/ и уповáет на негó.

Рáдуйся воевóд Рýсских похвалó✠ и вóинов соблюдéние,✠ вáрваров победéние,✠ сирóт и вдóв застúпниче✠ и страны́ нáшея утверждéние.

**Стих:** Блажен муж бойся Господа, ✨ в заповедех Его восхощет зело.

Приими ныне пение ✨ последователей твоих, о, воине, ✨ и молящим ти ся у Христа ✨ испроси на сопостаты одоление, ✨ да ублажаем тя присно.

**Слава, глас тойже:**

Пристанище ты небурное/ и стену неборимую/ стяжашом вернии,/ яко флотоводца изрядна// и военачальника предивна, Феодоре.

**И ныне, Богородичен, глас тойже.**

Тайно воспеваем Тя/ Мати Божия,/ гласы православными,/ Имже Церковь блюдома есть// молитвами Твоими.

**Тропарь, глас 1.**

Державе Россійстей архистратиг непобедимый явился еси,/ агарянскую злобу нивоттоже вменив и разорив;/ ни славы мирския, ниже богатства взыскуя,/ но Богу и ближнему послужил еси./ Моли святе Феодоре/ воинству нашему даровати на враги одоление,/ Отечеству во благочестии непоколебиму пребыти// и сыновом Россійским спастися.

**Слава, и ныне, Богородичен: глас тойже.**

**На Велицей вечерни.**

**Блажен муж: 1-й антифон.**

**На Господи возвах: стихиры на 8, глас 2.**

**Подобен: Киими:**

Киими похвальными венцы ✨ венчаим праведнаго Феодора; ✨ людей благоверных защитника и воевод првославных похвалу, ✨ дивнаго в подвизах, безплотных сожителя, ✨ источника Божественных дарований неисчерпаемаго. ✨ Егоже ради Христос земли Россійстей ✨ дарует мир и велию милость.

Киими похвальными венцы ✨ увязем праведнаго Феодора; ✨ градов мудраго здателя и управителя, ✨ Храмов Божиих светлаго украсителя, ✨ врача премудраго и Богоприятна, ✨ исцеляюща недуги и болезни наша. ✨ Егоже ради врагов шатания Христос низложит, ✨ имеяй велию милость.

Киими смиренными устнами, ✨ воспоем Феодора премудраго; ✨ солнца светлейша молитвенника, ✨ печальных утешение и порабощенных

свободителя, ✨ похвалу народов православных, ✨ реку милости и больных врачá безмездна, ✨ душу свою за други полагающа о Христѣ, ✨ подающаго нам велию милость.

**К**іими духовными пѣснями ✨ воспоём преславнаго воина, ✨ Архистратіга искуснаго и непобедимаго, ✨ врагом безбожным страшнаго, ✨ правды правило, веселие земли Россійския, ✨ крѣпость Отѣчества нашего и забрало, ✨ сирот питателя, обидимых заступника, ✨ столпа пресвѣтлаго, просвѣщающаго нас благодатей светлостью ✨ и подающа велию милость.

#### **Слава, самогласен, глас 4:**

**Л**юдие и князи, / вкупе богати и убозии, радуитесь, / свѣтлое днесь торжество празднующе непобедимаго воеводы, / праведнаго Феодора: / воспевайте ўбо, правовернии воины и прости людие, / общаго предстателя и помощника, // и молебника о душах наших.

**И ныне, Богородичен глас тойже: Иже Тебе ради:**

**Вход. Прокимен дне. И чтенія три:**

**Премудрости Соломоновы чтеніе (глава 3):**

**П**раведных души в руцѣ Божией, и не прикоснется их мука. Непщевани быша во очесех безумных умерети, и вменися озлобление исход их. И еже от нас шествие сокрушение, они же суть в мире. Ибо пред лицем человеческим аще и муку примут, упование их безсмертия исполнено. И в мале наказани бывше, великими блгодетельствовани будут, яко Бог искуси я. И во время посещения их возияют и, яко искры по стѣблию, потекут. Судят языком и обладают людми, и воцарится Господь в них во веки. Надѣющися Нань разумѣют истину и вернии в любви пребудут Ему, яко благодать и милость в преподобных Его и посещение во избранных Его.

**Премудрости Соломоновы чтеніе (глава 4):**

**П**раведник аще постигнет скончатися, в покои будет. Старость бо честна не многолетна, ниже в числѣ лет исчитается. Седина же есть мудрость человеком, и возраст старости — житие нескверное. Благоугоден Богу быв, возлюблен бысть и живый посреде грешник преставлен бысть. Восхищен бысть, да не злоба изменит разума его или лѣсть прельстит душу его. Рачение бо злобы помрачает добрая, и парение похоти пременяет ум незлобив. Скончався в мале, исполни лета долга, угодна бо бѣ Господеву душá его, сего ради потщася от среды лукавствия. Людие же видевше и не разумевше, ниже положше в помышлении таково, яко благодать и милость в преподобных Его и посещение во избранных Его.

### **Премудрости Соломоновы чтение (глава 5 и 6):**

**П**раведницы во веки живут, и в Господе мзда их, и попечение их у Вышняго. Сего ради примут Царствие благолепия и венец доброты от руки Господни, зане десницею покрывает я и мышцею защитит их. Приимет всеоружие рвение свое и вооружит тварь в мечь врагом. Облечется в броня правды и возложит шлем суд нелицемерен. Приимет щит непобедимый преподобие, поострит же напрасный гнев во оружие, споборет же с ним мир на безумных. Пойдут праволучныя стрелы мол-ниины и, яко от благокругла лука облаков, на намерение полетят. И от каменометных ярости исполнь падут грады, вознегодует на них вода морская, реки же потопят я нагло. Спротив станет им дух силы и, яко вихор, развеет их, и опустошит всю землю беззаконие, и злодейство превратит престолы сильных. Слышите убо, царие, и разумейте, навыкните, судий концев земли, внушите, держащие множества и гордящиеся о народах язык, яко дана есть от Господа держава вам и сила от Вышняго.

### **На Литий стихира святого, глас 5:**

Посрамил еси диавола и слуг его, / благоверне воине Феодоре, / богоугодным своим житием и ратными подвиги, / Царство Небесное в себе стяжав, / и славу Отчеству доставил еси. / Ныне молися Христу Богу нашему, // о спасении душ наших.

**О**, Христоноснии народи, / возопием любовь к дивному заступнику нашему: / О, благоверне и всечестне Феодоре, / непрестанно воздвигни рuce к Богу / и молися за святители, монахи и за вся люди, / избавити грады и вся страны Российския от нашествия иноплеменик, и междоусобных брани, / и даровати воинству нашему на враги победы и одоление, / и церквам благостояние мирно устрой, // и моли о душах наших.

### **Глас 5:**

**Я**ко корабль непотопляемь / тя, Феодоре, обретаем заступника в бедах: / в мори плавающих и на земли пребывающих, / сущи далече и близ обретающихся. / Темже сошедшеся вопием: молися ко Господу, // яко да всякого избавимся обстояния.

### **Слава, глас 1:**

**Р**адуйся и веселися о Господе обитель Санаксарская, / светло торжествуи и ликуи Христова Церковь, / со священнойноки и иноки, / имущи честное сокровище святых мощи / преславнаго заступника, праведнаго Феодора. / Приидите, вернии, тецйте, собравшися, / и ликующе сиче рцйте: / радуйся, святче Феодоре, / Отчеству нашему и обители сей утверждение, // и нам верным спасение.

**И ныне, Богородичен, глас тойже:**

**На стиховне стихиры, глас 8:**

**Подобен: О, преславнаго чудесе:**

Праведне Богомудре Феодоре,<sup>✠</sup> чистая твоя душа,<sup>✠</sup> правоверным смыслом сияющи,<sup>✠</sup> облистает добродетелей светлостью<sup>✠</sup> и озаряет верных исполнение,<sup>✠</sup> бесов тьму отгоняющи.<sup>✠</sup> Темже яко причастника невечерняя благодати<sup>✠</sup> ты благочестно вси почитаем, досточудне.

**Стих: Праведник яко финикс процветет,/ и яко кедр, иже в ливане, умножится.**

Имея душу милостиву,<sup>✠</sup> и чист помысл, и сердце бодрое,<sup>✠</sup> веру неблазненную<sup>✠</sup> и любовь воистину нелицемерную,<sup>✠</sup> от земли преставился еси к Небесным<sup>✠</sup> и с лики праведных водворяешься.<sup>✠</sup> Темже чтем ты священными песнями<sup>✠</sup> и благочестно вси ублажаем,<sup>✠</sup> святче Феодоре.

**Стих: Возвеселится праведник о Господе/ и уповает на него.**

О, преславнаго чудесе!<sup>✠</sup> Непреборимый воин,<sup>✠</sup> Небесным Стратигом подобен,<sup>✠</sup> нам является днесь.<sup>✠</sup> Удивляются вси концы земнии,<sup>✠</sup> ужасаются варварстии полцы.<sup>✠</sup> О, каковый споборник нам даровася!<sup>✠</sup> Имже, Христе, спаси души наша,<sup>✠</sup> яко Един благоутробен.

**Слава, глас тойже:**

Богомудре Феодоре, великий воине,/ блажен еси, яко блаженство Небесное наследовал еси,/ егоже ради милосердия плоды творя,/ нищия и болящия удоволил еси,/ сирот питатель, пленных свободитель быв./ Тем в непрестающую радость вшел еси Господа твоего,/ Емуже со Ангелы предстоя,/ моли верою поющим тя,/ изобилие щедрот подати и грехов оставление.

**И ныне, Богородичен, глас тойже: Безневестная дево:**

**Тропарь, глас 1.**

Державе Российстей архистратиг непобедимый явился еси,/ агарянскую злобу нивчтоже вменив и разорив;/ ни славы мирския, ниже богатства взыскуя,/ но Богу и ближнему послужил еси./ Моли святе Феодоре/ воинству нашему даровати на враги одоление,/ Отчеству во благочестии непоколебиму пребыти// и сыновом Российским спастися.

## На Утрени.

**На Бѡг Господь: тропарь святаго дважды.**

**Слава, и ныне, Богородичен.**

**По 1-м стихословии седален, глас 1:**

**Ж**итѣйское море со многими подвиги и труды преплыв, и в пристанище мысленное покоя пристал еси, сосуд благочестия явлься, блаженне воине Феодоре, требующия милости обогащай, Христа Бога моля, даровати нам велию милость.

**Слава, и ныне, Богородичен:**

**П**ажить древнюю потреби человекоубийственную, утроба Девича Христа рождши: темже вся тварь радуется ныне, Пречистая, яко оживльшия: и согласно воспеваает Твоего Сына и Бога.

**По 2-м стихословии седален, глас 2.**

**О**гня свирепство видимых врагов и невидимых, восстающих на наследие твое, богоприятных твоих молитв, Феодоре победоносче, залей водами, да, спасшеся от них, прославим Бога, дивнаго в чудесех.

**Слава, и ныне, Богородичен:**

**С**мири Владычице, врагов вознесенную вью велеречующих, советы и злонравия, и сердца поучающихся злым на ны по вся дни: крепость же и победу подаждь призывающим Тя, Мати Божия, радость скорую подающи.

**По полиелѣи седален, глас 8:**

**Р**адуйся Россійская похвало; радуйся, Цѣркве Божия украшение; радуйся, славо и заступниче Русския земли; радуйся, сирым прибежище; радуйся, Богомудре Феодоре; радуйся, жителю рая; радуйся, верным забрало; радуйся, доме и жилище Святыя Троицы; Юже моли о почитающих всечестную память твою.

**Слава, и ныне, Богородичен:**

**О** Тебе радуется, Благодатная, всякая тварь, Ангельский Собор и человеческий род, освященный Храме и Раю словесный, девственная Похвало, из Неяже Бог воплотися, и Младенец бысть, прежде век Сый Бог наш: ложесна бо Твоя престол сотвори и чрево Твое пространнее Небес содела. О Тебе радуется, Благодатная, всякая тварь, слава Тебе.

**Степѣнна, 1-й антифон 4-го гласа.**

**Прокімен, глас 4-й: Праведник яко фінікс процветёт, и яко кедр, іже в ливáne, умножится.**

**Стих: Возвеселится праведник о Господе/ и уповает на него.**

**Евангелие от Матфея, зачало:**

**По 50-м псалме стихира, глас 6.**

**Оружием твоих молитв,/ праведне Феодоре,/ охраняй и ныне Отечество наше// и людей православных от всяких бед и напастей.**

**Канон. Глас 1.**

**Песнь 1.**

**Ирмос: Поим Господеви песнь новую, непроходимое бо оземленив, черное, пешествовати сотвори сыном Израилевым, и сопротивныя враги покры море.**

**Просвети ми ум и озари моя чувства, согрешений мрак души моея отгнав, Христэ Бже, да чистою совестью возмогу песнь составить и возвеличить Твоего угодника, праведнаго Феодора.**

**Архистратиге непобедимый Россійския земли, якоже второе солнце, деянии сияя, всех нас поминай, совершающих память твою, Феодоре многославне.**

**Воистину в мори путие твой, победоносче Феодоре, и стези твоя безбожным агаряном на разорение в водах многих, и следы твоя, архистратиге земли Русския, врагом не познаются.**

**Богордичен:**

**Законов кроме естественных Деве, родила еси Законодавца Бога, Человека бывша. Того, яко Бога, моли, Всенепорочная, наша беззакония презрети.**

**Ин Канон. Глас 1. Ирмос: Тойже.**

**Всесвятая Троице, Бже и содетелью всего мира, поспеши и направи сердце, ум и уста наша достойно воспети велию славу добляго воина Твоего, благоверного адмирала флота Россійского, Феодора Непобедимого.**

**Помянем, братия, како Божией благодатию благоверный Феодор во граде Херсонстем душу свою за ближних своих полагает и от смертоносных болезни многих спасает и любовь ко злым и благим делом являет.**

**Яко волны морския на нас воссташа беззакония наша, яко кораблец в пучине вси мы обуреваемся от прегрешений многих, но в тихое**



приста́нище наста́ви нас, Го́споди, пока́нием и предста́тельством благове́рного во́ина Фе́дора и спаси́ нас.

### **Богорóдичен:**

**С**паси́ нас, Ма́ти И́стины, обурева́емых лю́те от страсте́й и от сатра́пов мы́сленных и ча́сто погружа́емых, и испра́ви нас, Чи́стая, ко спасе́ния благоути́шному приста́нищу.

### **Пёснь 3.**

**Ирмо́с:** Да утверди́тся се́рдце моё в во́ли Твое́й Христе́ Бо́же, И́же над вода́ми не́бо утвержде́й второ́е, и основа́вий на вода́х зе́млю, Всеси́льне.

**П**редсто́яще Го́споду со безплóтными си́лами, неизрече́нную сла́вою блиста́юще, пра́ведне Фе́доре, за ны моли́ся, творя́щая честну́ю и пресла́вную па́мять твою́.

**М**илование стяжа́л еси́ Христопода́ража́тельное, раздава́л еси́ бога́тство тре́бующим, Небе́сное бога́тство хода́тайствующее тебе́, е́же и получи́л еси́, Фе́доре.

**Н**и молва́ мирская́, ни чино́в и награ́д вруче́ние, ни сла́ва тле́нная твоя́ е́же по Бо́зе простоты́ уста́виша, Фе́доре, но благоволи́л еси́ вои́стину Божество́нными дея́нием.

**И**збавля́еши оби́тель твою́ от лю́тых обстоя́ний и чту́щая тя от потопле́ния в вода́х, я́ко предста́тель ве́рен и моли́твенник изря́ден, Фе́доре пресла́вне.

### **Богорóдичен:**

**Я́**ко вои́стину Госпо́дь воцари́ся в Ца́рствие неотпа́дающее и облече́ся псаломски́ из Тебе́, Богома́ти, в кра́сное благоле́пие, плóть святу́ю, е́юже сме́рть при́ят и разруши́ ея́ ца́рство.

### **Ин канóн: Ирмо́с: То́йже.**

**Д**а посты́дятся и смяту́тся вси́ врази́ земли́ Ру́сския, се бо Бог благове́рного Фе́дора я́ко ору́жие Своё, очища́ет и уготовля́ет, и я́ко фи́ял я́рости Своёя́ соде́ловает и супро́тив ага́рян нечестивых направля́ет.

**О**, во́ине Фе́доре, Моисе́ю подóбьяся, пса Магоме́та пропове́дников со все́ми корабли́ в пучи́не морсте́й, я́ко во́йско дре́вняго фара́она иногда́, потопля́еши.

**В**оспря́нем от сна́ уны́ния, бра́тие, и помóлимся ко благове́рному во́ину Фе́дору Непобе́димому да испро́сит душáм на́шим от Го́спода му́жество во бранéх, долготерпе́ние и ве́лию ми́лость.

### **Богорóдичен:**

**У**ста́ви ду́ш на́ших свирéпые б́ури, Бóже всех щéдрый, мольба́ми рóждшия Тя Богорóдицы, благовёрного во́ина Феóдора и всех святых Тво́их.

### **Седáлен; глас 3.**

**Б**úди скóрый в беда́х утéшителю, во бранéх предстáтель, во гра́дех и страна́х вся лю́ди неисчётною м́лостию покрывáя, прáведне Феóдоре, моли́ся Христу́ Бóгу о чту́щих святу́ю па́мь твою́.

### **Сла́ва, и ны́не, Богорóдичен:**

**С**ло́ве Бóжий, íже рожде́йся от Дéвы Богоотрокови́цы, То́я ходáтайствы священными, и прáведнаго Феóдора твоегó, Спа́се, всякаго обстоя́ния и всякия н́ужды изба́ви ду́ши на́ша.

### **Пéснь 4.**

**Ирмо́с: Разуме́х Всесильне, Твоё смотре́ние, и со стра́хом просла́вих Тя, Спа́се.**

**Г**óсподи, услы́шахом д́ивная, я́же сотвори́л еси́ вéлиим Феóдором и ужасóхомся.

**В**осхваля́ем бла́гость Твою́, Гóсподи, ё́уже испо́лнил прáведнаго Феóдора, разуме́ем, Всесильне, смотре́ние Твоё и ублажа́ем Феóдора предíвнаго.

**Т**вою́ поминáем, Бóже, м́лость, ю́же яви́л еси́ в Феóдоре человеколю́бнем.

### **Богорóдичен:**

**К**то́ изочтёт си́лы Тво́я, Ч́истая; но пощади́ нас, изми́ из глубины́ грехóвныя и наста́ви на благо́е пока́ние безвозвратно.

### **И́н канóн: Ирмо́с то́йже.**

**П**омяни́, диáволе, о́гнь íмже сожжена́ б́ысть Капудáния, и глубинú морскую́, в нейже изѓибе ополчéние твоё, и вострепещи́, ока́нный, э́зера о́гненнаго и жупельнаго, тебе́ уготóваннаго на Дéнь Сýдный.

**О**, султа́не юрóдивый, флóта твоегó несть ктому́, се бо во́ин Феóдор я́ко дух б́урен не фарс́ийские, обáче магометáнские корабли́ на Пóнте Эвкс́инском сокруша́ет и мoгúщество нечест́ивых в ничтó обраща́ет.

**О**, селéния исмаил́тска, о агáряне зломúдреннии, воспла́чите и возрыда́йте и позна́йте сýетство вéры магоме́товы и преклонíteся пред Сотвор́шим в́идимое и неvíдимое и Сы́ном Егó Иисýс Хри́стом и Дúхом Егó Святы́м.

### **Богорѡдичен:**

**С**трастѣй волнѣние смущает нас и сластьми погружает, Дѣво Пренепорѡчная, кормчию Христѡ рѡждшая, руку нам помощи простри и спаси нас.

### **Пѣснь 5.**

**Ирмос:** Яко просвѣщение наше съи Христѣ, просвети нас, Защитителю жизни нашея, сохрани ны надеющияся на Тя.

**П**росвети твоѣ житиѣ всю вселенную, святе Феѡдоре, правоверными дѣлы сияющее яко солнце, Триличнаго Божества зарѣю просвещаемь.

**И**же на мѡри быв флотоводец искусен и непреборим, испроси наследию твоему мужество и веру непоколебиму, отгоняя присно врагов шатания.

**З**авистию и злобою одержими лжесоюзницы, козни дѣяху тебѣ, ты же из глубины сердца вопиял еси: сохрани мя надеющагося на Тя.

**В** жизни временней никакаяже рана коснуса телеси твоему, обаче по преставлении поругание многое от злых человек потерпѣша честныя мѡщи твоя, умножаяще тебѣ, Феѡдоре, славу на Небесех.

### **Богорѡдичен:**

**В**оспойте вся земля, пойте же Возсиявшему из чрева боголепно Неискусобрачная, и Сию верным показавшему тверду надежду и похвалу.

### **Ин канѡн: Ирмос тойже.**

**О**, како неложный Бѡже, на ѡстровех Керкирских оружием благоволения венчаеши дѡбляго Феѡдора, да низложит безбѡжие галльское, да не пребудут беззаконницы пред очима Твоима во веки.

**П**оложу на мѡри руку Егѡ и на реках десницу Егѡ, се бо, Гѡсподи Иисусе Христѣ, от лица верного раба Твоегѡ благоверного воина Феѡдора, иссекаеши вся враги егѡ и ненавидящие егѡ во Адриатстей пучине потопляеши.

**Г**ѡсподи, днесь на западе солнца врази Твои паки возшумѣша и ненавидящи Тя паки воздвигѡша главу, на люди Твоя лукавноваша, на Тя завет с диаволом завещаша.

### **Богорѡдичен:**

**П**речистая Владычице, рѡждшая человеком кормчию Гѡспода, страстѣй наших непостоянное и лютое утоли смущение, и тишину подаждь сердцам нашим.

## **Пёснь 6.**

**Ирмо́с:** **Обы́де нас послéдняя бéздна, несть избавля́яй, вмени́хомся я́ко о́вцы заколе́ния. Спаси́ лю́ди Твоя, Бо́же наш, Ты бо крéпость немощствую́щих и исправле́ние.**

Правосла́вную страну́ Росси́йскую благоми́лосердо пощади́, и ми́лостивно утверди́, Бо́же наш, и мир, и любóвь, и здра́вие со все́ми сотвори́, Фе́одора моли́твенника имéя ходáтая о нас.

**Укроти́,** воево́до святы́й Фе́одоре, нахо́ды злотво́рных челове́к и из рук их исхити́, гоня́щих и расхища́ющих немíлостивно.

**Моли́твами** предваря́я к Бо́гу, и Тому́ предсто́я со А́нгелы, за весь мир моли́ся, брань неприязненную всю потреби́ти, и побéду извёстну да́ти на сопоста́ты во́инству на́шему.

### **Богорóдичен:**

**На** Небеси́ Арха́нгели и А́нгели, Херуви́мы и Серафи́ми сла́вят, на земли́ же вси́ лю́дие раболéпно поклоня́ются Рожде́ству Твоему́, сегó ра́ди мо́лим Тя, Влады́чице: спаси́ ду́ши на́ша.

### **Ин канóн. Ирмо́с то́йже.**

**Го́споди** Иисусе, ве́рный раб Твой адмирáл Фе́одор Непобеди́мый по́мощию Твое́ю вся оплóты гáлльския разоря́ет и вся твёрдыя их в стра́х и поноше́ние окрéстным язы́ком полага́ет, и безбо́жие их в ко́нec унич- тожа́ет.

**Ра́дуйся,** ни́щих и си́рых пита́телю и покрови́телю, ра́дуйся, вдов защи́тнице, ра́дуйся, ю́ности наста́внице, боля́щих утеше́ние, пленённых отра́до и нам всем моли́твеннице предивный.

**О** во́ине Фе́одоре! Услы́ши ны, во и́стине тя призыва́ющыя, и при- иди́ от Го́рних селе́ний к нам во гресéх утопа́ющим, я́коже Христóс сквозé ветр дыха́ющ и мраз и тьму но́щную ко учени́ком Свои́м, и помози́ нам.

### **Богорóдичен:**

**Я́же** от исто́чник источи́вшая во́ду оставле́ния, Пренепоро́чная, сердца́ на́ша напо́й, иссо́хшая вся́кими преступле́ньми.

### **Конда́к, гла́с 2.**

**Архистрати́же** Росси́йский,<sup>✠</sup> служи́телю наро́да Бо́жияго,<sup>✠</sup> ни́щих и угнетённых свободи́телю,<sup>✠</sup> нечестивых наказáтелю,<sup>✠</sup> полéзнаго нам проси́ и ве́лию ми́лости,<sup>✠</sup> я́ко спобо́рник наш пра́ведне Фе́одоре.

### **И́кос:**

**Всечестную́** па́мь почти́м уго́дника Христóва, вели́каго Фе́одо- ра, хра́браго во́ина на сопоста́ты и ко́рмчаго благоути́шна, и ра́дост- ные глаго́лы от се́рдца воззовéм к нему́, си́це вопию́ще:

Ра́дуйся, дела́ благая со тща́нием творивый:  
Ра́дуйся, управителю му́дрый и терпели́вый.  
Ра́дуйся, врачу́ усердный и ми́лостивый:  
Ра́дуйся, моли́твенниче те́плый и неутоми́мый.  
Ра́дуйся, воево́до пра́ведный и непобеди́мый:  
Ра́дуйся, ра́бе Бо́жий, кро́ткий и человеколюби́вый.  
Ра́дуйся, враги́ злочести́выя смиря́яй и устраша́яй:  
Ра́дуйся, и ны́не со А́нгелы и все́ми святы́ми за ны моля́йся.  
Ра́дуйся, во́ине Феодо́ре, Архистрати́же Держа́вы Росси́йска.

## Пёснь 7.

**Ирмо́с:** По мно́жеству ми́лости Твоея́ Человеколю́бче, сотвори́ с на́ми, да Тебе́ ве́рно вси воспева́юще по́им, я́коже о́троцы: благослове́н еси́ Бо́же оте́ц на́ших.

**В**ели́я по́двиги соверши́л еси́, несумне́нную ве́ру име́я, споспеше́ствуемый моли́твами сродника́ твоего́ преподо́бнаго Феодо́ра, взыва́ющаго: благослове́н еси́ Бо́же оте́ц на́ших.

**К**ро́тостию и простото́ю душе́вною к себе́ привлекая́, и ца́рицу сим удиви́л еси́, и да́ры от нея́ почте́н, вопия́л еси́: благослове́н еси́, Бо́же оте́ц на́ших.

**С**корбьми́ утесня́емь отовсю́ду, терпел еси́ вся, и на Человеколю́бца наде́жду возложив, вопия́л еси́: благослове́н еси́ Бо́же оте́ц на́ших.

## Богоро́дичен:

**Наде́ждо всем, Госпоже́ Богоро́дице, разгони́, Влады́чице, враги́ души́ моея́ и напра́ви на стезю́ пра́ву. Пощади́, Помощнице́ и наде́ждо христиа́нская, Сы́ну Своему́ зову́щи: благослове́н еси́, Бо́же оте́ц на́ших.**

## И́н кано́н. Ирмо́с то́йже.

**О**, чудесе́! Я́коже дре́вле Дави́д пред се́нным ковче́гом, та́ко и ты, во́ине Феодо́ре, пред мощми́ дивна́го во святы́х святите́ля Спиридо́на Тримифу́нтскаго главу́ свою́ преклоня́еши и кресто́ным хо́дом и́стинное правове́рие на Керки́ре па́ки утвержда́еши.

**О** ка́мение и го́ры, па́дите на мя и покрыйте́ мя, рече́ ереси́арх лати́нский, услы́шав слух о́ вбех твои́х, о́ Феодо́ре, в Рим ветхий входя́щих и супроти́в га́ллов зловре́дных, я́коже Гедеон супроти́в Амалика́ иногда́, хра́бро ополча́ющихся.

**Кто́** возмо́жет сказа́ти о́ милосе́рдии твоём, о́ благове́рный во́ине Феодо́ре; блаже́н еси́, разумева́яй на ни́ща и убо́га, вои́стину в день лю́т изба́ви и сохрани́ тя Госпо́дь.

### **Богорѡдичен:**

**В**од истѡчник молѣтвенный Тя, Богородѣтельница, вѣдуще вси, источающ вѣрным струѣ душам и телесѣм, тѣмже Тя непрестанно сла-вим.

### **Пѣснь 8.**

**Ирмос:** Пѣснь Тебѣ принѡсим безплѡтных, якоже ѡтроцы в пещѣ, и поюще глагѡлем: благословѣте, вся дела Госпѡдня, Гѡспода.

**П**ѣщи безсмѣртныя, Тѣла и Крѡви Христѡвы, сподѡбился есѣ причастѣтися, Богомудре, дѡшу твою Небѣсному Царю и Владыце прѣдал есѣ, взывая: благословѣте, вся дела Госпѡдня, Гѡспода.

**У**крашен мудростию и разумом просвещен, смиреніем сѣрдца лепотствуя, к мѣсленным прешел есѣ дворѡм, идеже воспеваше: благословѣте, вся дела Госпѡдня, Гѡспода.

**Т**обѡю, праведне Феѡдоре, земля Тѣмниковская вельми хвалится: в ней бо послѣднія дни благочестно пожѣв, спасеніе соделав, Бѡга Всещѣдраго и Мѣлостиваго чтѣти научѣл есѣ, зовѣй: благословѣте, вся дела Госпѡдня, Гѡспода.

### **Богорѡдичен:**

**Е**гѡже родила есѣ, Владычице, прѣсно моли раѡбы избавити мя страстѣй и осужденія, и одержащаго мя лютаго отчаянія, и оскорбляющих мя удержанія, Чѣстая Богораѡванная.

### **Ин канѡн. Ирмос тѡйже.**

**П**од конец жѣзни твоея во окрѣстностях обѣтели Санаксарскія водворяешися, здѣ, речеши, покѡй мой, зде тихое пристанище, зде вселюся во век вѣка.

**Т**ечение твое скончал есѣ, веру соблюл есѣ, сегѡ ради Бог жизнь твою близ мощей преподѡбнаго Феѡдора Санаксарскаго, срдника твоегѡ, скончавает и сосуд тя избранный ко Царству Небѣсному приуготовляет.

**У**щѣдрил есѣ Твое создание, Владыко, очѣстил есѣ Твоим благоутрѡбием, души егѡ вожделенное Отѣчество даровал есѣ, тѣло же многотрудное в Санаксарских стѣнах упокѣл есѣ.

### **Богорѡдичен:**

**В**одами животчными, Дѣво, напѡй истаявшіе дѡшы наша знѣем грехѡвным, яко да класы плодонѡсны возрастѣм, Чѣстая, Божественнаго умилѣнія.

## Пѣснь 9.

**Ирмос:** Рáдуйся, Пресвятáя Богоприѣмная Маріе, рáдуйся, Пречістая, пáдших основáние: в Тебѣ бо явїся днесь Владыка, О, чудесé! Обновляяй истлѣвшыя и к свѣту возводя невечѣрнему, Отроковице.

Дѣнь прáзднственный и пóльзы ходáтайственный честнѣй твоѣй совершаем: ты бо Господень угóдник и Того заповедей дѣлатель явился еси неослáбен, досточúдне Фебдоре.

Зарёю Трисóлнечныя благодáти сияя, свѣтле твоѣй прáздник творящих озарїи и стра́стного омрачѣния дѣмонскаго избáви, Фебдоре преслáвне.

Святїтелие и мона́си, священницы и прóстии, вóини и лю́дие, свѣтло предъиграйте и пáмять святáго сына Россїи в пѣснях возвеличайте.

### Богорóдичен:

Свѣта прїятилище утрóба Твоя́ бѣсть, просвещáющаго мїр, Богорáдованная. Тѣмже мо́лим Тя: свѣтлу зарю́ подаждь нáм, Богоневѣсто, мольбáми Фебдора доблемúдраго.

### Ин канóн. Ирмос тóйже.

О вóине Фебдоре! Ты днесь Престóлу Бóжию предстоїши, и Сла́ву Егó откровеннымъ лицѣмъ созерца́еши, и та́йны сокровѣнные и стра́шные Дня́ Сúднаго разумева́еши.

О вóине Фебдоре! Помозї́ нам молїтвами своїми и укрепї́ на брáнь супротїв звѣря, из мóря исходяща, сїлу змїя дрѣвняго имúща и престóл сатаны́ содержаща и óбласть вѣлию, да не поклонїмся ему́, ниже́ послúжим.

Не отчаивайтесь, рѣкл еси́, о Фебдоре: Сїя́ бúри грóзные обратят́ся ко сла́ве Россїи. И ны́не помозї́ стране и лю́дем нáшим предста́тельствомъ всемо́щнымъ, да вѣра и любóвь ко Отѣчеству восторжествúют, да воссияетъ сла́ва нóвая Боголюбѣзнаго царства Рýсскаго.

### Богорóдичен:

Приимї́, Владычице, молѣния Твоїхъ рабъ и Сы́на Твоегó умоли́, с прáведнымъ Фебдоромъ, подáти нам грехóв прощѣние.

### Светїлен:

Слѣшана бѣсть во всехъ странáхъ превелїкая сла́ва твоя́, и тогда́ жены́ Агáрянскія страшáху ча́да своя́ грóзнымъ твоїмъ и́менемъ. И ны́не, прáведне, врагї́ нáша невидимо устрашáй, ополча́ющихся на Христолубївое твоѣ вóинство.

## **Слава, и ныне, богородичен:**

Приими, Пресвятая Богородице, молитвы угодника Твоего, праведного Феодора, вкупе и наша, и избави, Владычице, от ухищрений злого врага стадо Твое.

### **На хвалитех стихир, глас 4.**

#### **Подобен: Дал еси знамение:**

**Дал еси, Христэ Бже, Россійстей земли** заступника преславна, Феодора праведнаго, всем в бедах скорого помощника, вдов и сирот заступника, пленных свободителя и нищих питателя, и люди своя от всяких бед избавляющаго, егже молитвами даруй градом и обителям нашим утверждение и людем Твоим велию милость.

**Дал еси, Христэ Бже,** православней стране Россійстей крепкаго защитника Феодора непобедимаго, вождем похвалу и утверждение, врагов преславнаго победителя, Отечество свое неотступно храняща, егже молитвами даруй на враги победу, и людем Твоим низпосли велию милость.

**Дал еси, Христэ Бже,** всем православным людем Твоим, утешителя премилосердаго, всехвальнаго Феодора, скорбным всем предстателя, болящим врача предивнаго, крепкое целомудрия забрало, отчаянным непостыдную надежду, егже молитвами вся вражия разруши шатания и людем Твоим даруй велию милость.

### **Слава, глас 8, самогласен:**

Приидите Россійстии вси православнии людие, богати и убогии, честным мощем дивнаго Феодора поклонимся, той нас избавит от рук неверных язык и злотворных человек, и из рук ненавидящих нас молитвами его свободимся..

**И ныне, Богородичен, глас тойже: Владычице приими:**

**На литургии, блаженна святаго, 1-го канона песнь 3-я на 4: и 2-го, песнь 6-я на 4: Прокимен, глас 4: Да воскреснет Бог, и расточатся врази его. Стих: Яко исчезает дым, да исчезнут. Апостол к Ефесеем, зачало ск: Аллилуиа, глас 4: Господь крепок и силен, Господь силен в брани: Стих: Праведник яко финикс процветет: Евангелие Луки, зачало 24: Причастен: В память вечную:**

### **Молитва**

#### **святому праведному воину Феодору**

О преславный защитниче земли Русския и веры православныя усердный поборниче, непобедиме воине Феодоре! Никая благодар-



ственная словеса, ниже изящная витийства довлеют, во еже прославити праведное и дивное Твое житие, понеже из млада крепкую веру во Христа и любовь ко отечеству стяжав, благоплодное прозябение честных родителей явился еси. Сего бо ради Божию дару тезоименит, стране своей, в скорбная времена браней противу иноплеменных показался еси. Ибо, праведным воеводам подражая, не числом и умением токмо, но паче верою враги побеждал еси, силу благочестия истинного показуя. Темже любовь к тебе распалъеми, воспеваем многия добродетели Твоя: велию любовь ко Господу и ближним, зане тех ради живот полагал еси: чистоту ангелоподобную, яко вся воздержанием удивил еси: нестяжание истинное, ибо благая и красная мира сего презрел еси. Ей, преблаженне Феодоре, угбднице Божий и благоверный боярине царей православных, призри на убогое моление наше, из греховного плена к Тебе возносимое. Приклони на милость Господа нашего Иисуса Христа, да не воздаст по делом нашим, но обаче дарует грехов оставление, избавит от злых, находящихся на ны; и подает владем нашим о народе усердное попечение, вбинству мужество в ратех, народу благочестие трезвенное. И сподобит нас достигнути безмятежнаго пристанища во Царствии Небеснем, идеже со всеми святыми прславляти будем всесвятое имя Отца и Сына и Святаго Духа во веки веков. Аминь.

### **Молитва иная:**

**П**риникни, праведне вбине Феодоре, с горних селений на притекающих к тебе, и вонми молению их: умоли Господа Бога, даровати всем нам, еже ко спасению нашему мы просим от Него при святем твоём предстательстве. Ты великое, возложенное на тя служение тщательно проходил еси, и нас твоею помощию пребывати коегбждо, в неже призван есть, настави. Ты, победив супостатов множества, и на нас ополчающихся всех видимых и невидимых врагов низложи. Испроси у Всемилостиваго Бога: страждущую страну Российскую от лютых безбожников и власти их да свободит, и да восставит престол православных царей. Умоли Господа Бога даровати крепкий и ненарушимый мир и земли плодосие, пастырем святыню, законом правду и силу, военачальником мудрость и доблесть непобедимую, градоначальником суд, флоту твоему Российскому и всему вбинству нашему преданность вере и Отечеству и неодолимое мужество, всем же православным христианом здравие и благочестие. Сохраняй страну нашу Российскую и обитель сию святую от всех наветов вражиих, да словом и делом прославляется в них всесвятое имя Отца, и Сына, и Святаго Духа, ныне, и присно, и во веки веков. **А**минь.